



莊陵史補

176  
4073



門 4073  
卷



莊陵史補

正廟御製序

魯陵志 莊陵志二書皆出草野私撰考據未博體  
 裁踈狃 予於辛亥定 本陵配食之制遣史官往  
 考 實錄始得當時事實頗詳 命儒臣尹光甫李  
 義鳳等纂輯 陵志未及修潤丙辰復 命宰臣李  
 書九等博採羣書量加釐訂而去就裁擇一以 實  
 錄為主閱數月書成分上編下編類編附編上編記  
 端廟事實叢本紀之例下編記配食忠臣之事  
 蹟畧倣列傳之例類編記 兩陵崇奉諸臣褒 贈



正廟御製序

一

之始末畧倣史志之例附編則裒輯列朝宸章而諸臣撰述系焉

莊陵志

端宗恭懿溫文純定安莊景順敦孝大王

文宗元子

母顯德王后權氏

國朝寶鑑

判漢城府事專

女

睿源系譜紀畧

世宗二十三年

辛酉

七月二十三日丁

巳誕降于東宮之資善堂

睿源系譜紀畧

世宗喜甚卽御

勤政殿受羣臣賀宥境內翼日戊午權氏薨九月

葬于安山

墓齋集

○二十年辰封王世孫

睿源系譜紀畧

教

命文曰於戲予承丕緒思

祖宗付托之重夙夜

寅畏粵稽古昔帝王國本旣端又世其胤所以重

宗統繫人心也惟爾元孫諱天資岐嶷稟性英明

乃今年可就師爰命爾為王世孫爾其親迎正人  
緝熙于學惟新厥德以孚永世之休敬哉黼黻三  
月世孫入學藝文館提學尹梓為博士別洞○三  
十二年鍊二月 世宗昇遐 文宗卽位國朝寶鑑追  
冊妃權氏為王后陵曰昭陵纂齋七月冊封王世  
子譜源系繼教命文曰義存繼體既膺丕緒之傳事  
重承桃室正元良之號爰稽古典庸舉疊會次爾  
元子謙德備溫文姿凝岐嶷愛親敬長仁孝稟於  
天成重傳尊師學問彰於日就迺荷 昭考之眷  
已定世孫之名宗統攸歸輿情所屬是用冊爾為

王世子於戲茲服寵命益懷永圖惟懋德是祗惟  
正人是近尚念 祖宗之休烈以資邦家之遠猷  
可不慎歟補遺稿頒教文曰主器惟賢實係社稷  
之福正名為急盍循臣庶之情言念少陽之尊蓋  
取重明之象宜置貳極誕告四方恭惟我 父王  
嘉元孫之始生受羣臣之陳賀天成岐嶷訓無煩  
於承家日就緝熙教固行於在傳痛小子遽承末  
命咨元孫優時前星仰古昔有道之時寔付托得  
人之效惟早建而豫養庶長治而久安雖縟儀當  
舉於異時抑儲位須定於今日於戲億兆之願戴

既切 祖宗之默佐方深肆當不言之中庸副延

頸之望文苑○文宗元年梓正月陪臣皇甫仁回

自京師制封王世子列聖勅曰自古有國者以順

民為先今王有子諱國人欲以後王特從所欲命

為世子王其教之孝悌忠信俾有以副國人之望

追感皇 文宗榮感寵命大宥境內與羣臣爵一

恩編 級列聖二年申五月丙午 文宗昇遐寶鑑庚

戌即位于景福宮之勤政門濟源時年十二朝

寶鑑初 文宗有疾召集賢殿諸臣講論經旨夜半

撫世子背曰予以此兒付卿等遂賜酒 上降榻

先執爵以勸成三問朴彭年申叔舟皆醉仆上

引貂衾覆之諸臣既醒相與涕泣誓報逐至是

領議政皇甫仁左議政南智右議政金宗瑞等受

顧命輔佐寶鑑閏九月帝遣尚膳監左承金宥右

承金興賜誥命及九章冕服彩幣攷事制曰國家

奄有四海君主華夷一視同仁無間遠邇命德則

寄以一方之任象賢則錫以累葉之承所以繫其

衆心而俾臻于乂安也故朝鮮國王李文宗端重

謙溫聰明勤儉敬天事上始終一誠胡享國之未

幾遽告終之來聞應有繼繩以統其衆爾諱乃文宗

諱之嫡子既賢且長傳襲惟宜茲特封為朝鮮國  
王於戲惟敬可以事大惟仁可以撫眾惟保又可  
以安邦惟敬正可以享福惟率乃祖乃父之行庶  
稱朝廷獎賢之心往其欽哉毋怠朕訓追感皇詔  
曰朕恭膺天命主宰萬邦封建諸侯遠邇惟一况  
朝鮮國守禮之邦俾統其民可無君長故國王李  
文宗諱襲先代之爵事天事大始終一誠克敬克仁  
遠邇咸譽屬茲薨逝宜有繼承世子諱王嫡長性  
資忠孝國論攸歸今勅封為朝鮮國王繼主國事  
凡惟國中大小臣民夙夜惟寅盡心匡輔務循禮

分國或潛踰長堅忠順之心永享太平之福追感皇恩  
篇上幼冲嗣位宗室強盛人心危疑 世祖有靖  
難之志權孽出入甚密每見日晏不進進膳失時  
宮人目曰寒羹郎東閣雜記韓明澮謂孽曰今主少國  
危安平大君瑢陰懷異志厚結大臣招集羣小禍  
機甚迫首陽大君世祖潛邸封爵豁達英武真撥亂之才  
也孽遂薦明澮 世祖召與語一見如舊海東野  
明澮進見或稱宗簿寺官或稱醫士 世祖嘗曰  
吾子房明澮又薦武士洪達孫楊汀柳洙等三十  
餘人東閣雜記十月遣 首陽大君謝賜誥覓工曹判

書李忠哲為副魯陵志初世祖請閔仲充副使仲

托疾又請許詡詡以撰修實錄辭世祖謂權掣

曰宰相用意如此時事可知使皇甫錫子金承珪

宗瑞從我以行瑤雖欲速舉兩人必不敢從矣寶錄

元年癸二月世祖還自中國海東野言別集三月上移御

寧陽尉鄭綜寶錄十月癸巳世祖晨召權掣韓

明澮洪達孫曰今日當討賊以安宗社最黠者惟

金宗瑞先誅此人餘不足平也遂招康衮洪允成

林自蕃崔潤安慶孫洪純老洪貴童閔發郭連城

等射的于私第後圍議未定達孫以監巡先出餘

稍引去明澮曰作舍道傍三年不成請公先起

世祖遂援弓立貞憲王后提甲被之乃裹甲率

家僮林芸而行擊明澮使權軀權掣韓瑞龜韓明

潛伏於敦義門城上楊汀洪順孫柳淑微服從行

世祖至宗瑞家使金承珪入告宗瑞出迎芸稚

擊宗瑞汀斬承珪世祖還至巡廳令達孫領巡

卒殿後詣時御所召承旨崔恆曰皇甫仁金宗瑞

李穰閔仲趙克寬尹處恭李命敏元矩趙藩等黨

附安平大君瑤連結咸吉道節制使李澄玉鏡城

府使李耕矇平安道觀察使趙遂良忠清道觀察

使安完慶共謀不軌刻日舉事而宦官金衍韓崧常在 上側故未敢來告今賊魁已除當討餘黨人戎宦官田昫曰慎勿驚動 主上因與都鎮撫金孝誠兵曹判書李季甸等議啓名諸宰相令內禁衛擐甲持弓矢把守闕門又以馬步兵張左右翼作四重門力士咸貴等守第三門實錄韓明澮持生殺簿坐門內東閣雜記仁穰克寬八并椎殺之遣人殺處恭命敏藩矩衍伸等梟首于市捕瑢及子友直安置江華竄遂良完慶崧及鄭萃池淨李石貞等又遣義禁府知事具致寬莅斬耕柔實田錄 世祖

既誅宗瑞等拜領議政府使判吏兵曹兼內外兵馬都統使鄭麟趾為左議政韓確為右議政東閣錄靖難功臣鄭麟趾等三十六人攷事撮要鄭麟趾使權學李季甸崔恆草教書時天寒夜淡 上命宦官嚴自洽賜內醢實錄 世祖策勳教書曰天為社稷而生賢蓋有關於氣數君以爵土而錫命寔用表乎勳庸載稽彛章昭示賞典叔父鍾秀光嶽勵節風霜器局竣整而宏深志槩堅確而嚴正存友本乎天性忠義出於至誠豪傑之才聖賢之學氣蓋一世勇冠三軍德望宗重於宗親風彩儀表乎



朝著為善最樂富貴聲色無足搖其中事君以忠  
夷險終始曷嘗貳其操粵予冲人遭家不造息弘  
濟乎艱大委機務於臣隣于時瑤居至親之地蓄  
無上之心謂寡人幼不能君而大位姦或可伺厚  
施於國干譽于人姦臣皇甫仁金宗瑞李穰閔伸  
趙克寬等陰為黨援翕然附趨專權擅勢挾私市  
恩官爵濫施於親姻賄賂公行於中外賦役煩而  
公私困土木興而財力窮救塞聰明壅遏德澤叔  
父嘗痛憤其故抗疏以言予不之察也及其兇謀  
益深每夜私聚內通近侍宦官密伺動靜外誘方

鎮將師陰約日期叔父明炳幾先切齒腐心雄斷  
英規奮發義勇曾不移時一舉迅掃邦本幾搖而  
復安神器將傾而復定不有叔父余焉及茲乃眷  
忠誠兼權將相肆策勳為一等功臣賜奮忠仗義  
匡國輔祚定策靖難之號食邑一千戶食實封五  
百戶歲別俸六百石奴婢六百口田五百結黃金  
二十五兩白銀一百兩鞍具馬四匹表裏十段紗  
羅各五疋衣一襲屨帶一腰紗帽笠靴等物冀體  
至懷尚可領也於戲卿有周公之才之美而且兼  
周公之大勲予尚成王之年之幼而又見成王之

多難既以成王責周公者責叔父當以周公輔成  
王者輔寡躬選頌教文曰予以幼冲嗣守丕基  
凡軍國庶務悉委大臣期底乂安不意奸臣皇甫  
仁等廣植親黨分據中外陰養死士潛輸邊郡兵  
器以圖不軌幸賴宗社之靈叔父備知凶謀密告  
于我奸黨皆已伏辜瑤以至親不忍置法令安置  
于外屬茲危疑之際宜仗維城之固世祖御諱輔政  
軍國重事悉委捨治以待予親政之日於戲宗戚  
臣度各盡乃心匡救不逮以保我祖宗艱大之  
業文苑命鎮撫二人率甲士別侍衛各五十鏡筒

防牌各二十夙夜衛世祖從鄭麟趾等啟也東

野言別集竄許詡等移置瑤友直于喬桐實錄兩司請誅

瑤不允左議政鄭麟趾等率百官再啟遣義禁府

鎮撫李伯淳賜瑤死徙友直于珍島海東野咸吉

道節制使李澄王舉兵叛鍾城節制使鄭種判官

鄭圃斬澄王以獻命餘黨勿問國朝

二年甲戌正月甲戌冊封王妃宋氏濟源系請納

妃累日不已上曰如是累啟不得終守已志是

日御勤政殿遣奉寧大君補戶曹判書趙惠冊豐

儲倉副使宋瑛壽文為王妃實錄王冊文曰乾坤合

德生成萬物王者法天必立元妃所以奉宗統而  
 基風化也予以冲年嗣守丕基敬戒相成當資內  
 助是庸博采茂族旁求懿德咨爾宋氏性稟溫柔  
 德著幽閒固已正位中壺母臨一國今遣使授王  
 冊寶章以為王妃於戲合體同歡以承 宗廟闕  
 睢之化螽斯之慶皆自今日始可不慎歟錄實教命  
 文曰自古帝王之為天下國家也必先立配所以  
 基百福之原也咨爾宋氏生於茂族有淑德令姿  
 宜主宮闈恭承 宗廟茲涓吉備儀冊封為王妃  
 其祗服恩命用敬內治以丕衍無窮之基文苑黼黻以

亥壽為知敦寧府事

海東野言別集

選金師禹權完女同

八後宮

實錄

八月兩司請除瑤餘黨命友直鄭萃等

并置法仍飭中外勿復言逆黨事

實錄

十一月上

臨紫薇堂見牕欄太息曰此

世宗所御處也若

世宗在世吾之見愛豈其小乎因泫然泣下左右

皆感涕

國朝實鑑

三年癸二月賓廳啓言和義君璵崔永孫金玉謙與

錦城大君瑜射宴宦官嚴自治等干預國政命收

瑜告身竄璵及自治等

實錄

四月帝賜王妃誥

制曰朝廷錫爵本於推恩妃匹相家貴於順正國

之正典不爽厥施爾宋氏乃朝鮮國王諱之妻采  
順有稱相成無忝夫既襲乃王爵宜爾錫以貴稱  
特封為朝鮮國王妃爾尚恪遵婦道以助藩家欽  
我追感皇閏六月乙卯右議政韓確左贊成李忠  
哲右贊成李季隣左參贊姜孟卿會賓廳啟嬪楊  
氏尚宮朴氏錦城大君瑜漢南君琮求豐君琿同  
知中樞院使趙由禮護軍成文治等謀亂命分竄  
諸人并流鄭宗寶上以國事多艱下禪位教  
世祖涕泣固辭上親奉大寶以授世祖寶國朝  
教書曰小子遭家不造幼冲嗣服浹居宮掖之中

內外庶務蒙未有知致兇徒煽亂國家多故叔父  
首陽大君世祖奮發忠義左右我躬克清兇徒弘  
濟艱難然兇徒未殄變故相仍屬茲大亂非予寡  
躬所能鎮定宗廟社稷之責實在我叔父叔父  
先王介弟以德以望有大勲勞於國家天命人  
心之所歸也茲釋重負以畀我叔父嗚呼宗親文  
武百官大小臣僚其匡輔我叔父以對揚祖宗  
之休命列聖世祖具冕服即位勤政殿尊上  
為上王受百官賀頒教大賜進箋謝于上王  
與讓寧大君禔等迭進爵為歡越十日甲子世

祖八御景福宮 上王移御昌德宮命以每月二日十二日二十二日親問起居有故則次日乃進

國朝寶鑑。謹按國朝寶鑑。上王遜于壽康宮。昏夜過而南。壽溫。秋江冷。詔上王。遜于壽康宮。昏夜過

鍾街。閭里皆哭。輿地勝覽。壽康宮。即今昌慶宮。西接昌德宮。孝溫所記。恐因此而誤。改仁壽

府為德寧府掌 上王供上諸事寶鑑七月甲申尊

上王為恭懿溫文太上王妃宋氏為懿德王

大妃 上具冕服備法駕率百官詣昌德宮謁見

上王及王妃辭不受魯陵志遣禮曹判書金河刑

曹參判禹孝岡奏請辭位莊陵舊誌奏文曰臣自童穉

得疾氣常不順先臣恭順王薨逝臣年甫十二承

襲凡百庶務委諸臣僚至景泰四年姦臣謀逆禍

機斯迫叔父陪臣首陽大君世祖御諱奔告於臣旋即

戡定然猶兇徒未殄變故相仍念臣殘弱難以鎮

定社稷安危所係甚重世祖御諱先臣母弟學通古今

有功有德允孚輿望已於景泰六年閏六月十一

日令權襲軍國勾當伏望聖鑑洞察特降明允聖列

誌狀八月策佐翼功臣韓明澮等 上幸昌德宮謁

上王宴諸功臣國朝寶鑑世祖元年丙子正月 上

詣昌德宮進豐呈宴于 上王國朝寶鑑四月頒誥命

冕服詔使尹鳳等至 上與 上王幸太平館宴

明使國朝實鑑詔曰朕惟封建諸侯固當謹於國序撫  
 安庶類尤在順乎人心雖一時之宜亦百王之法  
 朝鮮國王李諱早以嫡嗣襲主東藩自顧孱弱之  
 軀莫弭姦凶之患志存安國身不固榮推位已遜  
 於宗賢嘉德宜從於懇請茲特封王叔父世相諱為  
 朝鮮國王代主國事凡爾一國臣庶務悉恭順毋  
 違永肩忠義之心安享太平之福追感皇恩篇勅曰近  
 得王奏稱其質本殘弱國用艱虞惟爾賢良宜遜  
 乃位俾詢于國謂皆屬心茲特從其所遜封爾為  
 朝鮮國王爾宜恪守臣節益堅事大之誠永固藩

邦毋忝嗣王之讓其令諱仍以爵閒居爾須常加  
 優待毋忽追感皇恩篇六月司藝金磧與其妻父右贊  
 成鄭昌孫上變 上出御思政殿磧曰左副承旨  
 成三問語臣曰近日彗星見司穰院甑自鳴將有  
 何事臣曰何謂也三問曰聞 上王開昌德宮北  
 門往來瑜舊家此必韓明澮等置 上王隘地令  
 一二力士踰垣而入圖為不軌耳須告爾婦翁先  
 去尹師路申叔舟權擊韓明澮輩倡義復立 上  
 王誰敢不從 上命聚宿衛將士急召諸承旨三  
 問及都承旨朴元亨等趨入令內禁衛趙邦霖梓

三問鞫之三問辭服且言朴彭年李塏河緯地柳誠源俞應孝朴靖參謀上遣同副承旨尹子雲告上王曰成三問粗知學術故置之近密而不能稱職反懷怨懟故造亂言謀殺大臣今將鞫之上王賜子雲酒工曹參判李徽聞事覺詣政院告權自慎朴仲林預謀上親鞫彭年等辭連金文起成勝宋石同尹鈴孫等遂會百官于軍器監前路韓增等以徇彭年死獄中誠源及塏妹婿許慥自刎死并磔其屍梟首三日籍產緣坐并誅自慎母崔氏實錄頒教文曰頃者瑑之謀逆廣植黨援

盤據中外遺孽未殄相繼圖亂近者餘黨李塏包凶稔惡倡謀作亂其徒成三問等潛通宮禁內外相應刻日舉事將危寡躬擁挾幼冲專擅自咨尚賴宗社扶祐之力大惡自露咸伏其辜宣布寬大之恩以同臣民之慶文苑安置瑜順與琰咸陽嬰錦山琬任實鄭棕光州籍其家實錄七月命佐翼三等功臣鄭昌孫陞二等軍器正金礦錄佐翼勲三等愚伏○二年丁丑正月領議政鄭麟趾右議政鄭昌孫左議政姜孟卿右參贊申叔舟左參贊黃守身戶曹判書李仁孫吏曹判書權擘兵曹判書

洪達孫禮曹判書朴仲孫工曹判書金河刑曹判  
書成奉祖吏曹參判朴元亨古曹參判魚孝瞻等  
啓曰今上王名位相侔小人乘間謀亂近日成  
三問事是已請避居他處以杜邪罔上不允麟  
趾等再啓上曰中國有正統故事予意本不如  
此卿等勿復更言續甲午讓寧大君提領議政鄭  
麟趾等率卿宰再啓請速決上乃許約其侍從出  
居瑜家金石二月鄭麟趾率百官上書曰上王  
幼冲權姦締結殿下明炳幾先仗義靖亂餘孽  
未殄復扇凶謀上王自知未堪重負禪位殿

下啓下牢讓不獲勉登大位事上王盡誠盡禮  
不意瑤之遺黨藉以為亂交通宮禁欲行大事  
上王豈宜居都城之中享一國之養伏望遷之都  
外使上王優游自適任優閒居則啓下亦得  
全始終之恩而待之之禮未為薄矣今萬口一辭  
而殿下堅執不聽恐非社稷之長計也上  
賜手書曰昨日予書盡之矣續議政府請上王  
殿宦官別監分分二番德寧府官員輪次晝直三  
軍鎮撫二人率衛士十人把門直宿有事德寧府  
來啓夜則三軍鎮撫令衛士來啓從之金石六月



癸丑男子金正水因藝文館提學尹士昕告判敦  
寧府使宋珙壽敦寧府判官權完謀逆 上御息  
政斂台見領議政鄭麟趾右議政鄭昌孫右贊成  
申叔舟右參贊朴仲孫兵曹判書洪達孫禮曹判  
書洪允成領中樞院事尹師路判中樞院事李仁  
孫工曹判書楊汀吏曹判書權學兵曹參判具致  
寬刑曹參判李孝源都承旨韓明澮右承旨曹錫  
文右副承旨權摯同副承旨金碩下珙壽完于義  
禁府仍下教旨曰宗親百官合辭言 上王不宜  
安置京師累請不已予固不允欲保初心到今煇

亂之徒繼踵不息茲從羣議降封為魯山君俾出  
居寧越厚奉衣食以保終始以定國心惟爾議政  
府曉諭中外命僉知中樞府事魚得海率衛士五  
十護送軍資監正金自行判內侍府事洪得敬從  
行續甲寅蕃星見 魯山君發向寧越 上命宦  
官安璐餞于華陽亭魯山君謂璐曰成三問之  
謀吾知而不啓是吾罪也金珙戊午議政府啓  
顯德王后母崔氏及弟自慎謀反伏誅且 魯山  
君已降封君請追廢后改葬從之金珙庚申 魯  
山君至寧越郡丙子錄○謹按實錄丁丑正月  
上王出居瑜第六月遜于寧越尹

舜舉魯陵志引金安國顯陵志以此為丙子年事

問事未發廷臣之言安得如此且考諸書六月二

十日癸丑金正水上變二十日甲寅上王

發行二十六日戊午追廢昭陵二十八日庚申

上王至寧越今以長曆推步則丁丑六月日子干

支無不相合丙子六月癸丑非二十

一日乃十五日今斷以實錄為正

義禁府都事

奉 魯山君子西江清冷浦夜坐灘上哀而作歌

曰千里遠道美人離別秋此心無所著下馬臨

川流川流亦如我嗚咽去不休莊陵舊誌○謹按

此歌而權知莊陵舊誌云萬曆丁巳金正

錦江聞女唱此翻作短詞如此第實錄義禁府都

事無從行者且失其姓清冷浦有水患移寓客館

名竟未知何人所作也

每登觀風樓梅竹樓夜坐使人吹笛聲達遠村又

詠短句國人聞之無不流涕魯陵志詩曰月白衣蜀

魄啾一作月欲含愁情一作相倚樓頭爾啼悲我

聞苦一作爾聲無爾聲無我愁寄語世上一作為

苦勞一作心哀人慎莫登春三月子規此下或有啼樓

御製又曰一自冤禽出帝宮孤身隻影碧山中假

眠夜夜眠無假窮恨年年恨不窮聲斷曉岑殘月

白血流春各落花紅天聾尚未聞哀訴何奈愁人

耳獨聽御製時郡境旱焚香禱天兩輒注丙子每

清晨御袞龍袍據榻而坐見者無不起敬松窩遣

內侍府右承直金精醫官曹敬智問安于 魯山

君又遣敬差官趙季砮送油籠氈衫諭江原道觀

察使金光晬進菰果蔬菜守令問起居月季錄啓

實十月安東官奴李同因判中樞院事李澄石告

瑜在順興潛結羣小謀為不軌順興府使李甫欽

亦馳啓瑜謀逆 上命大司憲金淳判禮賓寺事

金脩往鞫瑜又遣小尹尹慈右輔德金之慶鎮撫

權城鞫順興醴泉安東諸囚并辭服斬安順孫等

甫欽杖流博川未幾處絞實錄○謹按丙子錄瑜

君辟左右草檄順興官奴某竊其檄上京基川縣

監金孝洽追及於路棄檄上變金宗直變尊錄甫

欽為瑜所脅謀亂未及馳告而事宗親府議政府

覺二說俱與實錄有異今并不取

忠勳府六曹啓曰近日亂言者皆以 魯山君為

言瑜大逆不可以全恩 上手書答曰敬知羣臣

之意薄德之至何敢復為傷殘骨肉之事乎鄭麟

趾鄭昌孫等累啓不允麟趾等又上疏力爭且請

并誅璵琬璵鄭宗琰壽 上命瑜賜死餘勿論

麟趾等夏啓命琰壽處絞璵等嚴加禁防續二十

四日甲寅魯山君昇遐于寧越壽十七璿源系是

日雷兩大作烈風拔木黑霧彌空經夜不散丙子

戶長嚴興道哭臨具棺翼日率吏民葬于郡北五

里冬乙亥魯陵侍女從人爭投郡之東江後人名

其地曰落花巖寧越府志○三年庚戌高靈君申叔舟言  
上乙亥即位當以是年為紀元且請錄成三問  
事於武定實鑑從之續○中宗八年癸卯三月先是  
遂臣有言昭陵未復 文宗室無配位大違 宗  
廟之禮 上命考實錄以奏至是雷震 太廟庭  
樹禮曹判書申用溉曰災出 太廟天意殆若戒  
告大臣臺諫一辭齊請 上命禮官卜日告廟行  
復陵禮國朝○十一年丙子十一月領經筵事鄭光  
弼諷 上立 魯山君后 上召羣臣議柳洵等  
皆以為難 上曰 魯山君已絕屬藉若以疏屬

為嗣而不襲爵則祀不能久莫如自朝家設祭之  
為永久不廢也 命禮曹成節目舉行國朝禮曹  
請 魯山君家廟四仲月四名日忌日致祭廟所  
四名日所在守令行祭置守墓六戶魯陵志○謹  
后托後書有丙子仁昌防桐堂遣右承旨申錦致  
祭 魯山君墓仍命看審以啓魯陵志十二月寧越  
老人嚴籌辛貴孫等合辭言郡北五里冬乙旨東  
向古墳實是 魯山君墓郡守親審以報寧越魯  
山君墓高僅二尺許叢塚傍列而土人稱君王墓  
孩幼皆能識別陰崖○十三年戊寅魯山君夫人宋

氏上言請以家舍奴婢屬鄭眉壽妻李氏俾主後  
事政院啓曰夫人以耆壽為侍養子養壽死而無  
後李氏若死 魯山君無主杞之人請令大臣更  
議立后 上曰宋氏之願既在李氏不必更議  
議九月左承旨權撥右承旨金正國白 上曰仁  
莫大於繼絕世 魯山君祖宗懿親君臨一時求  
絕不杞其損 啟下之仁請無留難時眾議紛紛  
竟未舉行  
退漢魯山君夫人賜鄭省壽及李氏文  
券自稱無後寡婦稱 魯山君為家翁屬以後事  
辭語悽切券末一書淨業院住持宋氏一書 魯

山君夫人宋氏并有印記鄭氏子孫尚今葆藏  
鄭家○十六年辛巳六月四日甲辰 魯山君夫人宋  
氏昇遐壽八十二  
壽源系 譜紀畧魯山君薨後夫人不欲  
居城內 世祖憐之使居東門外燕尾洞  
一作英 續貞洞舊有尼菴尼惠閭葺而新之名曰淨業院夫人自  
稱住持宮人希安智心戒智為弟子別構草屋數  
間而居焉時登前山瞻望寧越號曰東望峯素衣  
素食以終天年  
海平家傳禮曹言喪禮當依大君夫人  
例上從之又命致別賻賜棺槨以素膳供三年  
祭莊陵 舊志八月葬于楊州羣場里鄭省壽墓傍省壽

繼子承休服喪三年并奉魯山君神主子孫世  
主其祀海平家傳○三十四年刻韓山郡守李若永請  
立魯山君後臺諫請罪竟罷其職聽言齋○宣祖  
四年耕奉教金誠一上疏曰恭惟世祖以神武  
撥亂之姿當魯山幼冲之日天命有歸一朝禪  
授兩宮之間情意不阻不幸其時臣子不體  
聖朝之心又昧權時之義陰謀競起大禍將作竟  
不得保其天年聖祖固已惻然於中矣既無血  
嗣又不返葬在國家親親之義寧不傷心昔建文  
失故太宗靖難弘治中楊循吉請謚建文孝

宗不以為罪景恭得罪英廟而憲宗旋復其  
位當時無異議後世稱其孝今者魯山復位之  
舉有不容已或者謂位雖不復其後則可立臣愚  
以為不然魯山踰年之君也為人臣者何敢繼  
其後乎臣聞魯山孤墳尚在寧越樵採無禁香  
火不到居人指點行路隕淚伏願敕下下議大  
臣上告宗廟聿舉追復之儀訪求遺墓以禮改  
葬則萬世大義可得而立矣鶴峯疏上縉紳莫不  
膚粟訶齋○九年丙子遣假承旨柳埴致祭魯陵○  
十三年庚辰江原道觀察使鄭澈啓言魯山君墓

歲久崩頽伏念 魯山君曾臨御一方有君道焉  
雖降封為君墓道儀物自有其制伏願改等其墓  
又立表石用一品禮遣官致祭命議大臣領議政  
朴淳左議政盧守慎右議政姜士尚皆曰此盛德  
事也 上從之 魯陵墓前儀物牀石標石香坐兒  
長明燈各一望柱冠帶石各二 魯陵役畢觀察使  
語董役守宰曰此舉人其謂何眾皆唯唯伊川郡  
守柳訥之曰 魯山君在冥府服袞冕高拱寶座  
如六臣輩忠臣義士列侍左右何乃刻石強稱為  
魯山君墓乎滿座默然 長貧胡撰 ○十四年 辛遣承

旨李海壽致祭 魯陵 ○十八年配觀察使鄭崑壽  
郡守金玃始搆祭廳齋室於墓側 魯陵後玃以校  
理赴召 上問魯陵事嘆歎賜酒 柏巖 ○三十六  
年 癸卯刑曹參判朴東亮言 魯山君墓香火久廢  
宜修闕典 上亟是之遣右副承旨鄭穀致祭 魯陵  
志 ○光海君二年 庚戌七月禮曹判書李廷龜請  
魯山君及夫人墓號為封植增置守塚人別建祠  
宇歲降香祝命議大臣李元翼李德馨尹承  
勳韓應寅李恒福沈喜壽等皆以為當又議建祠  
都城當否元翼等以建於墓側為僞禮曹復請依

箕子啟例令本道差參奉二員置守護軍六人並從之於是增修祭廳奉安魯山君及夫人神位魯陵志遣禮曹參議李志完致祭魯陵志舊儀致祭時獻官再拜至是改定時享儀節行四拜禮祭品飯羹麵脯藍菹醬炙切肉熟菜沉菜藥果散子各二器中桂正果各四器饌六器果十器湯十二器酒一壺祝文式曰維年月日具官某敢昭告于魯山君之靈夫人宋氏之靈伏以窅窅玄宮聿屆佳辰恭承朝命敢薦情楹謹以築盛庶品式陳明薦尚饗魯陵志墓左舊有禁夢菴燬於火至是郡守

金澤龍募僧改構更名曰魯陵庵俾守廟宇觀察使以聞命依五臺山史庫守直例永久遵行寧越錄

○孝宗四年癸巳上從副提學金益熙之言遣禮曹

叅議金佐明致祭魯陵志○顯宗三年壬寅副提學趙

復陽因災異進言遣禮曹參議趙胤錫致祭胤錫

還請增置祭器優致節日祭需填守墓人闕額從

之魯陵志○九年甲申十一月命魯山君祠宇參奉

給料輪置守墓人亦為給復從原襄道觀察使鄭

楹之言也國朝寶鑑○十四年癸卯二月命魯山君墓

缺官致四時忌日祭需國朝寶鑑應教李選上疏曰



魯山君祀典因兵燹裁減者匪徒祭需而已夫人墓守護人今並革罷祭田給復又減其半亦宜復舊且墓下雖已達祠尚無家廟以君主一國之人乃與匹夫之鬼渾處一室情理未安請就神主所在處立祠妥靈從之莊陵志○十五年甲寅正月置夫人墓守戶祭田國朝寶鑑○肅廟元年乙卯觀察使趙確請改墓上莎草禮曹回啓施行莊陵志○五年甲子三月遣禮曹參議閔就道致祭莊陵志○七年辛酉月朗原君侶撰進璿源系譜紀畧白上曰顯德王后追復位號而魯山君尚不封大君亟宜

追贈上曰卿言甚當最樂堂年譜御書講上曰正妃所誕皆為大君魯山君亦當稱大君其議大臣國朝寶鑑大臣金壽興閔鼎重鄭知和等皆以為然上從之最樂堂年譜遣右副承旨宋昌致祭昌言致祭時獻官用黑團領再拜此非朝家定式宜令真定命依前行禮昌還請修墓上莎草改書表石及位版并從之莊陵志○十一年乙丑觀察使洪萬鍾啓請重修祠宇定齋集○十七年辛酉九月遣近侍致祭國寶鑑○二十寶鑑四年庚戌九月前縣監申奎上疏曰臣謹按我世

祖惠莊大王以天縱之聖屬河清之運 魯山冲  
年膺寶自視欽然應天順人法堯禪舜 世廟可  
搢讓而不獲雍容揖遜之美伯仲唐虞之盛不幸  
六臣之變出而權孽鄭麟趾密贊之議又從而激  
之使 世廟保護之恩有所未終忠臣志士之感  
至今未艾一片孤墳邈在荒陬五十餘年香火不  
及 中廟御極載舉墜典特遣承宣備物致祭  
宣廟因觀察使鄭澈之啓改修墓表祭用一品之  
儀悠悠冥恨庶可慰解然以愚臣料之猶有所未  
盡也夫禪位之君曾無失德或出於一時之權宜

或迫於難言之事勢遜位就閒者何代無之而尊  
號未聞貶損異姓革代之際尚猶如此况以王室  
之至親行授受之盛事而反去王號可乎 魯山  
君君臨一邦既遜之後猶稱上王藉行考終則葬  
祭之必用王禮斷無疑也惟彼六臣不知天命妄  
有謀計以促其禍 魯山何與於其間哉 聖上  
既嘉六臣之節立祠賜額彼為故主死節之臣尚  
蒙寵美之恩况為其故主者乎時移事往丘壠已  
平蓬科蕪沒狐兔躑躅春風杜宇長八騷人之句  
麥飯寒食空吞野老之聲天荒地老哀恨難夷土

人相傳楓哭時聞安知夫無限幽冤盤礴鬱律於  
泉臺之下百世不化又安知 祖宗在天之靈有  
不盡傷於儼然之孤魂耶今若追復王號祭用王  
禮封其寢園加置守護別立祠殿備其儀物一如  
皇朝追復 景皇帝故事則神理可慰天心可悅  
災沴可消永命可祈也 上答曰茲事至重且大  
可不博詢而處之 列聖誌狀十月命宗親文武百官會  
議于大庭 國朝寶鑑獻議者四百九十餘人 莊陵舊志領議  
政柳尚運議曰 中廟議立 魯山後相臣鄭光  
弼以為 世祖時事不敢輕改立後尚如此復位

尤當慎重右議政李世白議曰前代帝王雖於異  
姓禪代之君猶不追貶位號今者崇奉宜無異議  
第茲事至重從前闕典靡不畢舉而終不敢論及  
惟在 聖朝默運東平尉鄭載崙議曰 皇朝  
憲宗之追復 景帝也閣臣以手加額曰吾君今  
日之事實是堯舜未行之舉臣亦以手加額曰吾  
君今日之事實是堯舜未行之舉也左議政尹趾  
善議曰成三問等 聖上既褒其臣節於其故主  
不當復存嫌碍皇朝之追復 景帝亦足為證領  
敦寧府事尹趾完議曰此卽百世不易之正議

列朝闕典有待於今日者實由天意復豈人謀克  
完綽儀惟在聖斷領中樞府事南九萬議曰光  
廟靖亂雖曰禪受實則革除在今我後嗣王惟當  
爲親諱爲尊諱而已凡在我後民亦惟當爲國諱  
而已 魯山事實緣其時事勢之相逼不可歸罪  
於六臣之激成孽麟趾之密贊其事之難言如此  
只宜論議不敢到怒置之耳今乃明言是非欲有  
所變通曰如此則可以于湯有光必無慙德云者  
誠不知其何說也且既復王號則奉以別廟尤無  
所據代雖及祧位次當躋 光廟之上 光廟洋

洋之靈若念疇昔之事想必驚顧怵惕不能自安  
於陟降之庭止惟 魯山亦必愀然怛然不樂於  
必祭之序享神理人情夫豈相遠乎且既舉大禮  
則當告 廟頒教當時變故從其實則有不敢言  
若有所隱是虛文也亦何以享格神人乎 宣廟  
朝朴啓賢論成三問之忠大激天怒先正臣李珥  
以爲啓賢輕發非時之言可謂懵不解事追獎六  
臣猶如此况復 魯山位乎 明朝景帝與 魯  
山懸殊非所可擬弘光之追諡達文正與相類但  
念其時朝政厯亂極矣非特達文復號追尊其私

親為皇列朝諸臣不問賢邪悉贈美諡天下不勝其譏笑末期歲身擒國滅何足為後世倣行之典禮乎前賢於魯山事為之盡傷而未嘗有及於復位者惟向日尹鐫以此為請今何可復踵鐫說也左參贊尹拯議曰二百年冤氣得伸於今日聖朝一念上通天地盛德非常之舉豈在聖斷而已行判中樞府事崔錫鼎議曰魯山復位雖不敢輕議第念魯山曾踐大位今其神主久在閭家下同匹庶之賤終有所未安自官建祠四時差官行祭則庶慰臣民之恨戶曹參議權尚夏議

曰魯山傳位尊為上王末後處置非世祖本意今若遵世廟崇奉之典追復位號以明當日受禪之本意則可得無憾於神人莊陵舊志已巳教曰予竊惟光廟受禪尊奉魯山為太上王月三起居不幸末梢處分恐非光廟之本意究其源則由於六臣也六臣既褒其忠節則故主之追復位號未知其更有嫌碍而皇朝景泰之事亦可倣而行之予以為今茲追復益有光於光廟之盛德也日者申奎之疏展讀未半傷感之懷自切于中嗚呼神道人情不甚相遠無乃祖宗在天之

靈悅祿於冥冥之中而有此相感之理耶夫王家  
 處事自與匹夫不同事苟可行何必持疑其令禮  
 官亟舉縉儀國朝寶鑑議 魯山大君復位儀節禮曹  
 判書崔奎瑞言 魯山大君及夫人神主今方奉  
 安於故參判鄭重徽家以重徽名傍題來禮題主  
 必於魂帛所在處其義精微今此神主既是神道  
 百年憑依之所而題主不可行於私家似當移奉  
 領議政柳尚運請就淨潔處移奉題主後仍為埋  
 安命議于大臣儒臣皆以尚運言為是遂臣或言  
 既以臣子名傍題不可移奉殿閣 上曰所重有

在不必拘此小節尚運言遜位後在於昌慶宮  
 上命定於昌慶宮時敏堂國朝寶鑑禮曹言移奉日當  
 以復位設祭告由從之莊陵舊志十一月領議政柳尚  
 運言 世祖所上尊號 魯山讓而不受今當因  
 以為諡 上曰書尊號則可以表揚 世祖尊奉  
 之美意又不可不上諡也國朝寶鑑丙子命大臣六卿  
 政府西壁館閣堂上會實廳議 大王諡號曰純  
 定安莊景順中正精粹曰純大慮慈仁曰定好和  
 不爭曰安履正志和曰莊由義而濟曰景慈和徧  
 服曰順廟號曰端宗守禮執義曰端陵號曰 莊

陵王后諡號曰定順純行不爽曰定比和于理  
 曰順徽號曰端良齊敬守禮執義曰端中心敬事  
 曰良執心克莊曰齊夙夜儆戒曰敬陵號曰惠陵  
國朝初上廟號曰僖宗上改以端宗莊陵舊志丙戌  
 行端宗大王定順王后復位告由祭于宗廟  
 求寧啟麟慶崔奎瑞言祔廟時新祔主已祧當直  
 濟求寧啟柳尚運李世白皆以為然上命議大  
 臣領中樞府事南九萬議曰新祔主雖曰當祧過  
 祖宗廟門禮當朝謁朝謁時世祖以下八位當  
 奉降於階下及至求寧啟先行朝謁祧主位次在

新祔主下則亦當奉降于階下此皆無於禮之禮  
 上命更議九萬又議曰端宗大王初膺追復位  
 雖當祧主實新祔輦過太廟神門而不為之一  
 八朝謁遷迤往行即安于祧廟則默想神意不瑕  
 有歛然者乎漢惟我祖宗之意如以後孫之在  
 鬱而得伸為悅則無或以不得一相接過去亦為  
 之缺然乎古禮五廟七廟各有其宮故凡有事於  
 廟中未嘗有相壓相妨之嫌降以後也皆用一廟  
 中以西為上之制而新祔例於先祔為子孫然則  
 新祔之朝謁初無奉降之禮固其宜也其或新祔

尊而先祔卑則其尊卑之間截然有君臣之分父子之等尊者行禮於楹外之階卑者高處於榻上之室只隔以簾帳晏然而自如者恐非人情之所安判中樞府事崔錫鼎議曰禮適士有二廟則先朝于禰而適祖廟今此濟祔時當並謁於大廟與祧典至於廟庭升降之節神道異於人事何可一一象生上曰祧主不祔太廟直濟永寧殿既異常禮情且缺然尚運請世宗以上龕室啓其前門以下諸室則勿啓而以廟謁為臚唱上可之國朝寶鑑移奉端宗大王定順王后神位于昌

慶宮時敏堂國朝寶鑑十二月禮曹言謚冊不書考曾孫只當稱嗣王臣大臣李世白等亦以為然從之國朝寶鑑壬戌請謚于宗廟乙丑上謚莊陵大王謚冊文曰推位讓國至德無稱獻謚尊名闕典乃舉茲將顯冊敢薦微忱恭惟恭懿溫文大王仁聲令資世孫元嗣自在弱歲荷英陵負背之慈連遭大喪受文廟類面之訓無祭國步之多難以致曆數之有歸移居上宮禮愈極於尊養固辭徽號意彌存於撫謙且慕周泰伯之荆仍作帝重萃巡野看花天遠嗟景命之不延葬衣山深慨緼儀之



未備今殆過二百年時尚有感千萬人心肆庸集  
議於群工遂定升祔於 列祖虎賁嚴衛如迎翼  
室之宅宗龍旂戎行若奉冕服而歸毫雖傳序已  
及於祧位然節惠可闕於爨章精而粹慈而仁靡  
有爭競履乎正由乎義固不服從至若名廟而贊  
揚尤見守禮而恭遜心輕萬乘誠難擬議其高風  
德重千秋允合表揭其盛美爰卜吉日式陳明禮  
謹遣臣領議政柳尚運奉冊寶上尊謚曰純定安  
莊景順敦孝廟號曰 端宗仰冀膚靈俯垂冲鑑  
肇稱殷禮庶是饗食而是宜申錫洪休期俾昌而俾

熾

樂泉集

王后謚冊文曰顯號揚烈追修濟祔之緡

儀令德儷尊仍舉節惠之曠典始克稱於名實寔  
庶慰於神人恭惟懿德王后篤生華宗光婉冲辟  
懿姿夙慧佐始初之清明陰化潛孚協內外之離  
穆逮至達權而禪讓盖亦裨猷而資成受太妃之  
宗名且膺徽美享一國之隆養共怡優閒不幸時  
變屢興遂致廷議多謬日淪月晦失黃道並明之  
暉浦忠山哀結蒼梧未從之痛處約而王度無玷  
委順而寶筭彌遐神理久鬱於在天芳塵寢翳廟  
享尚闕於累世庶品同嗟念丕稱豈間於顯幽而

缺禮或待於久遠參諸古制斷自微衷揆彼天道  
之必伸敢緩表揭冀我宗事之無歉宜備情文爰  
復王章升祧室而序代並隆壹位薦寶冊而易名  
况若輦翟之重輝宛然乾坤之齊體想聖朝崇奉  
之雅意豈不為光抑 列祖陟降之明靈默有所  
啓真游斯集漢陵之簾帷始新耿光復昭周廟之  
琬琰載煥緬故實而增感陳物采而致虔謹遣臣  
領議政柳尚運奉冊寶追上諡曰定順徽號曰端  
良齊敬冀諒浹誠俯賜昭鑑垂徽彤史雖歷二百  
年而可徵行慶瑤圃庶訖千萬禩而靡替晚靜上堂集

親臨題神主丙寅新主自明政敎具鹵簿儀衛祗  
謁于 宗廟仍詣永寧殿丁卯齊祔于西翼第三  
室 上親行享祀禮訖埋安舊主于思陵寧越舊  
祠位版埋于莊陵並令禮官益事王五齋集上還宮御  
法殿頒敎受賀莊陵舊志頒敎文曰曠典修於宗柘祔  
儀既成大慶洽於神人綸音載播寔出至悃用答  
羣心言念前代禪傳之盛規必有當世位號之隆  
報蓋脫屣萬乘固至德之無疆况臨宸一邦豈尊  
名之終闕恭惟 端宗大王元嗣正位冲歲承基  
天質夙著英名可期守文之盛時運雖繼熙洽尚

有多難之憂秉禮而克謹大倫虛已而仰成懿戚  
倚毗浚摯洵若成王之待周公揖遜從容藹然虞  
帝之授神禹是為達權而識命賴有鞏業而綿圖  
享太上之尊榮四方之徽稱既備駕兩宮之和敬  
每月之朝禮頻伸不幸變釁屢興遂見宗奉終替  
謙光可質於在上寧有王室危疑之虞謬議悉出  
於盈庭諒非 聖祖親愛之志聲澤掩翳廟享闕  
而靡依山川渺綿仙遊遠而何所肆神理之久鬱  
增輿情之胥恫三載臨御之尊豈以幽顯而有間  
一代禪讓之懿沆未表揭而致崇徵故實而恒懷

感歎詢庭議而庶伸情禮惟累朝因循而有缺宜  
思繼述之方雖世序久遠而及祧敢緩經常之典  
追躋廟室悉復儀章並隆坤闈丕揚徽號况精靈  
昭臨而洋洋乎上想祖宗默慰於冥冥之中象設  
俱新於寢園百神來衛龍旗載迎於私第庶品交  
欣信天道之必伸乃歷二百年而如待始邦禮之  
無憾可眎千萬代而有辭允為稀濶之盛休詎無  
曠蕩之洪澤宥辜而至重辟成圉並生推恩而逮  
庶僚嘉與同慶於戲彛章肇舉於遐祀庶諒追遠  
之誠浹號誕敷於多方共勉圖新之治

晚靜  
堂集○二

十五年巳卯二月庚申封思陵明谷集癸坐丁向有表

石齊源系三月庚午封莊陵明谷集辛坐乙向有表

石齊源系上命兩陵象設依厚陵例務從簡小後

著為式又命不設武石柳尚運言誌石埋安動役

未安命勿用誌石國朝寶鑑莊陵幅員三十里陵上象

設魂遊石長明燈各一坐虎石羊石馬石壁柱石

文臣石各一雙丁字閣癸坐寧越府志八月上謁思

陵莊陵舊志三十年甲申史臣言舊史端宗紀書以

魯山君日記宜改曰端宗大王實錄又請裒輯

追復事實別為一錄命設廳撰次大臣領其事錄

既成分藏史閣王吾齋集○英宗十年甲寅正月命豎碑

莊陵從江原道觀察使尹陽來之言也國朝寶鑑○十

二年丙辰八月上謁思陵故院日記○三十四年戊戌十

月親製祭文遣大臣祭莊陵以復位回甲也國朝寶鑑

○三十九年癸未九月命莊陵香祝令本陵官陪進

又命立碑于清冷浦從奉審禮堂李浚之言也國朝

寶鑑清冷浦在寧越府西八里羣峯削立一水環繞

屋宇舊基尚存至是御書碑額曰端廟在本州

時遺址寧越府志○四十七年辛卯八月御書淨業院舊

基五字立碑建閣于燕尾洞又書東望峯三字鑄

之峯石國朝實鑑九月 上幸碑閣御書偏額曰前峯

後巖於千萬年命揭于閣上鄭氏家乘○今 上十五

年辭正月命特贈申奎臺侍政院日記二月江原道觀

察使尹師國啓言寧越府客館東南舊有梅竹樓

郡守申叔根勦建卽 端宗臨御所也後稱子規

樓萬曆乙巳爲水所壞昨年十月府使李東郁始

尋遺址 上亟命重建又命原任閣臣蔡濟恭撰

上樑文李福源撰記文李秉模書偏額師國書上

樑文東郁書記文政院日記命尊壇于莊陵紅箭門外

以忠臣三十二人配食每年寒食致祭又等三別

壇于其旁并祭癸酉丙子丁丑死事者二百三十

六人政院日記。配食忠臣安平大君瑤錦城大

自慎鄭季全鄭宗宋玟壽權完皇甫仁金宗瑞鄭

奉閔仲趙克寬金文起成勝朴靖朴仲林成三問

朴彭年李增河緯地柳誠源俞應字河珀許詡許

繼朴季愚李南欽嚴興道死事人趙遂良安完慶

李耕石元矩李賢老尹處恭李命敏黃義軒高德

稱宋錫金承璧金木臺金石臺金相同金壽同皇

南錫皇南欽皇南加慶皇南京斤李保仁李義山

李承胤李繼祖李紹祖李將軍閔南昌閔南諸閔南

友敬李漢山李乾金李趙藩趙季同趙貴同李勿金李

釋閔李興閔石伊趙藩趙季同趙貴同李勿金李

秀同李漢山李乾金李趙藩趙季同趙貴同李勿金李

濁尹湜尹介同尹孝同鄭孝康鄭元碩鄭白池黃

石全權仇之金玄錫成三聘成三顧成三省成孟

詹成孟平成孟終成憲成澤趙崇文趙哲山朴崇

朴珣朴奮占同焉同波錄大欣山奉汝諧奉紐李  
 裕基銀山李公澹河紀地河紹地河荒柳貴連柳  
 松連俞忠守許迤岭許九岭宋昌宋寧宋安宋太  
 山吾乙未池淨趙石岡朴以寧朴夏河石梁王李  
 廔安莫同崔老金晶金介叱同金末生金珊瑚金  
 尚忠金得千金卜千李石貞趙完珪趙順生佛連  
 趙由禮成文治李禮崇金玉謙崔冰孫許逐洪九  
 成洪王峯洪適李門陳有藩崔自陟申孟之申仲  
 之申謹之申敬之李楨祥李義英李末生李智英  
 李忠怡崔得池崔致地崔潤石崔季同崔莫同崔  
 石同崔哲同崔哲山趙清老趙榮緒黃善寶權署  
 權著崔斯友李吳成孫茂孫金堪金漢之金善之  
 鄭冠張貴南張冲崔沔崔始昌沈上佐金九知朴  
 遂良李守楨任進誠李祥孫朴良誠瘦龜山度鰲  
 山沈希括朴遂明金竹金信禮劉世姜莫同黃貴  
 存黃敬孫黃長孫李楨培貴珍仲銀安順孫金由  
 性安處強安孝友仲才好仁金行韓崧嚴自治尹  
 奇金忠李貴印平柳臺朴閏吉由善曹熙徐盛代  
 金得誠金得祥崔繁池和羅加乙豆李午李乃斤  
 乃李鐵金李小童瓦仲金有德金大丁睦孝智有

才凡三石丁石仇之凡伊黃繼辛克長者介阿加  
 之佛德龍眼內隱德德非

三月遣禮曹判書李致中奉審莊陵親製祭文以

達樓及侑祀事告由賜祭于配食壇院記五月子

規樓成命奉揭 端宗御製詩于樓中寧越志觀風

樓在子規樓西即客館東軒 端廟昇遐于此至

是府使朴基正聞于朝命為重修又等壇于清冷

浦舊基寧越府志十六年壬子月命子規樓觀風樓

清冷浦觀察使春秋拜陵一體奉審以聞寧越府志

莊陵配食錄

正廟御製序

辛亥春 予將幸園路由鷺梁曠感六臣遣承旨卽  
其祠致侑會京畿儒生黃默等上言乞以和義君瓔  
追配彰節祠祠卽六臣安侑之所也事下禮曹禮曹  
以追享有禁請勿施 予判曰和義之追配於是地  
是祠神理人情俱可謂克叶而可合追配者亦豈獨  
和義一人乎日前駕鷺梁路出六臣祠與墓之傍駐  
蹕移時瞻望咨嗟者久矣行殿宿次親綴百二十句  
侑祭之文以若曠感之心有若鄭重之典則六臣固

蘇炳卓卓於人目如錦城和義等似此節義之出宗  
英尤豈不奇壯况此兩宗英外節義亦多不下於死  
六臣而不與於是祠者今於追配之時一體施行實  
合獎節褒忠之政其令內閣弘文館博考稟旨於是  
內閣以錦城大君瑜等十七人聞弘文館又益以安  
平大君瑤等十人其說互相參商 予以當時事實  
宜徵國乘遣史官徃考 端宗 世祖實錄始得其  
詳蓋其著在國乘陵志而卓犖可稱者三十二人與  
其享祠而難於取舍毋寧設壇而滾薦并脩乃就  
莊陵箭門外除地為壇每年寒食從與享之其事未

詳者十二人坐收司者二百二十四人則別等一壇  
於正壇之傍而祭之蓋是舉也義取鶴寺之祭制倣  
榑川之壇所謂無於禮之禮者也 予惟靖難之事  
忌諱弘多傳聞易爽稗說私乘率多謬誤苟無一部  
徵信之書孰知今日取舍之義遂畧綴配食諸人之  
立殫事蹟贈始末叙次之為是卷昔我 光廟  
聖訓 若曰我當其屯汝當其恭又曰當世亂臣後  
世忠臣大哉言乎是編之作豈徒曰顯忠表微而已  
亦所以揄揚我 光廟達權扶經之微意云  
右辛  
亥編





書畫莫不精妙若朝中國必將名聞天下瑒然之不果行明年世祖還瑒往迎于順安世祖慰撫甚至東海野瑒以生朝設宴于麻浦江亭宦官言別集金衍朝士李賢老等三十餘人皆會世祖使人致問瑒驚懼送瓜以謝仍覘之續癸酉十月金宗瑞等被誅遣三軍鎮撫崔錫起義禁府都事慎先庚領卒一百捕瑒于誠寧大君第三軍鎮撫羅致真捕其子友直并安置江華世祖賜手書曰汝罪當誅但以世宗文宗愛汝之心不忍置法瑒對使者流涕曰吾自知罪固已及此行到楊花渡

謂其奴永奇曰汝亟去為語金左相曰奚為後時蓋不知宗瑞已誅冀其濟已也友直至江華語瑒曰兒嘗有言今果何如瑒曰負負無可言者尋移瑒友直于喬桐縣毀武溪精舍籍其家議政府啓瑒嘗語人曰我終不止為大君者也指授皇甫仁金宗瑞鄭恭李穰閔伸等使腹心趙克寬為兵曹判書趙衷孫為兵曹正郎掌兵權尹處恭為軍器判事趙潘為軍器錄事掌軍器兩司言瑒首惡不可同處一國左議政鄭麟趾等率百官再啓遣義禁府鎮撫李伯淳賜死徙友直于珍島續英宗丁

卯領議政金在魯言瑤只以聚文士遊宴為禍階  
未嘗有非分之望宜賜伸雪 上命復官日院戊  
寅賜謚章昭謚號今 上辛亥配食于莊陵忠臣  
壇 上召見其十二世孫聖喜命待年長錄用自  
官給資延謚賜祭于其家日院友直初封宜春君  
肅源甲戌八月死錄次子德陽正友諒亦死安平  
錦城大君瑜 世宗第六子肅源德器清臞有雅量  
高致承恩從 世祖受易最被眷愛國朝乙亥二  
月賓廳啓崔沫孫金玉謙等會瑜第射宴請收瑜  
告身從之錄閏六月右議政韓確等言瑜謀亂於

是合司啓曰瑜不懲前愆潛結武士厚施黨與使  
其養母懿嬪謹按肅源系譜紀畧懿嬪權氏太宗陵宮八處楊嬪宮  
瑜因得出入其乳母聰明等 來甚密又以婢賂  
尚宮朴氏通問訊與漢南君珙永豐君瑑寧陽尉  
鄭悰相交結請亟正其罪遂竄瑜于朔寧實世祖  
卽位領議政鄭麟趾請置 法 上曰瑜本無  
罪但有微過今之發配欲使知戒耳掌令崔清江  
左獻納丘從直等累啓不從尋移廣州喻京畿觀  
察使月給酒肉錄丙子戊三問等死安置瑜于順  
興籍其家錄丁丑十月瑜與順興府使李甫欽謀

復上王事覺莊陵舊志遣大司憲金淳等往鞠之義  
禁府啓瑜在順興賂記官仲才品官安順孫等謀  
起兵遺甫欽金頂子珊瑚笠纓甫欽不受及聞  
上王遷寧越詭言乳母小非蹴子兀兀幾死邀甫  
欽仲才請訊之因謂曰主辱臣死請公聚兵與我  
直攻榮川榮川不應軍法從事卽向安東安東吾  
家僮所聚可得二三千人以此號令誰敢不從遂  
拔劔劫甫欽令吹角打鼓仲才發牌聚軍誓曰奸  
臣用事社稷顛覆同心匡救如有二心皇天后土  
宗廟之神寔監之與甫欽仲才同署盟遺甫欽段

子衣議遣豐基郡事于竹嶺聞慶縣監于草帖截  
其路本道從宦者顧戀妻子靡然而來仍舉義事  
不難矣瑜與甫欽謀逆明甚當死於是宗親百官  
請論如法命賜瑜死寶錄瑜繫安東獄一日裸而逃  
府中大索不得有頃自外至笑曰汝等雖衆無能  
爲也我豈真逃者乎在官使瑜西向拜瑜曰吾  
君在寧越整衣冠北向痛哭四拜乃就縊衆莫不  
憐之命絕瑜屬籍尋復之順興野史革順興府人多  
坐死竹溪水盡赤順興府志英宗戊午因裔孫震秀籲  
寃復官錦城諡狀已未賜諡貞愍諡號考今上辛亥配

食于莊陵忠臣壇命錄用其後孫禧元賜祭于其

家故院日記

和義君璵字良之世宗子母令嬪姜氏幼有異質

勇捷絕人稍長善屬文嘗曰人生斯世忠孝為大

和義君諡狀乙亥賓廳啓璵與瑜會射請流於外竄清

山世祖卽位移延安丙子成三問等死安置錦

山籍其家實錄上王遜位璵常獨居流涕和義君諡狀丁

丑宗室大臣請誅瑜金論璵黨逆之罪命嚴其禁

防外人往來贈遺以黨不忠論實錄謹按李德

覺上問成三問可罪否公不對錦城死公陳疏

力辨錮死益山然實錄乙亥被竄未嘗宥還六臣

死後命馳書所配邑使勿驚動且所竄非益山今不敢從已卯賜璵衣服實錄後

卒于謫所絕屬籍中宗朝復官屬籍和義君諡狀英

宗甲寅賜諡忠景諡號今上辛亥配食于莊陵

忠臣壇命錄用其後孫特敬賜祭于其家故院日記

漢南君琰世宗子璿源錄母嬪楊氏嘗乳養端宗

求豐君諡狀及卽位以楊氏有阿保功使居內保護頗

專宮中事政府聞之代以貴人洪氏實錄乙亥賓廳

啓楊氏與其子琰謀亂於是合司請曰楊氏自

先朝擅權宮內今又不議大臣宗室欲以懿嬪族

朴文規女及瑜妻族崔道一女為王妃而不得乃

謂中宮非已所立百計離間宜正法罪遂竄清風

死琬竄錦山 世祖即位移牙山尋移陽智丙子

安置咸陽籍其家丁丑廷臣請誅瑜并論琬琰與

瑜同罪不可獨生 上手書答曰琬琰無罪羣臣

之計非也諸臣力爭只命嚴其禁防絕其屬籍已

卯五月病没于咸陽錄寶中宗朝庶孫玉根上書訴

寃命復官屬籍錄寶源英宗壬戌賜諡貞悼諡號今

上辛亥特賜楊氏號曰愍貞嬪琬配食于莊陵

忠臣壇錄用其後孫儀亨賜祭于其家院

永豐君琰 世宗子母嬪楊氏錄寶源號醉琴軒朴彭

年女壻也

宋子大全○謹按琬嘗藏林彭年手書

千字文卷首印文曰醉琴之軒永豐世

遂以醉琴為彭年號文正公宋乙亥賓廳啟其罪

時烈引趙凍言辨其誤今從之竄禮安旋移安城又移水原丙子安置任實籍其

家丁丑廷臣請誅之不從錄寶源遂死貶所錄寶源中宗

朝因琬孫玉根籲寃復其屬籍 明宗朝復官未

君諡英宗壬戌賜諡貞烈諡號今 上庚戌 上

聞琬墓在高陽大慈洞而失其處命道臣設壇近

地官給祭需官其主祀孫在天賜祭于其家辛亥

配食于莊陵忠臣壇院 李穰義安大君和孫以武進為 世宗守陵官歷官

至判中樞院事右贊成忠義傳癸酉司勇鄭守忠告

穰密附瑤及誅金宗瑞以穰謀反召入椎殺之寶錄

今上辛亥配食于莊陵忠臣壇政院日記子承胤字

長之癸酉登第官獻納國朝榜目從子承老官部令承

胤子繼祖紹祖將軍甲戌死實錄謹按魯陵從

弟保仁官牧使安岳郡事黃義軒妻兄也世譜癸

酉竄江津死錦城邑乘從弟義山保仁子諧官護軍諧

弟謚謨沙門住令義山子友敬甲戌死寶錄謹按東寓寺

記沙門作三門音近而訛

權自慎安東人花山府院君專子忠義傳母崔氏書雲

副正鄺女慕齋集端宗元舅官禮曹判書丙子預成

三問之謀因其母告于上王忠義傳義禁府啓自

慎等謀挾幼主專擅國政欲以六月初一日舉事

罪當死與三問等同日死崔氏亦被逮論死實錄專

追廢為庶人慕齋集肅宗己卯父子並復官國朝寶鑑英

宗己丑賜自慎諡忠莊諡號考今上辛亥配食于

莊陵忠臣壇政院日記子仇之同死東鶴寺記

鄭孝全延日人尚太宗女淑貞翁主封日城府院

君歷官兵曹判書兼八道都鎮撫使璿源錄甲戌義

禁府啓靖難日孝全蒙在時座所衛內不詣闕侍

衛翼日稱病在家伴人金有德疑其謀亂將欲告

變知而不啓其黨逆明甚及罷都鎮撫又與甲士

姜住明違法私通時孝全已死斬棺籍其家實今

上辛亥配食于莊陵忠臣壇院兄孝康官參議

延日鄭癸酉右議政韓確等啓孝康以瑤妻黨數

往來宜安置遂竄極邊甲戌死錄孝全子元碩官

監察延日鄭竄南海與孝康子白池金死錄

鄭惊海州人參判忠敬子尚 文宗女敬惠公主封

寧陽尉 端宗初為 上所倚重寧陽尉 癸酉三

月、上移御惊第皇甫仁請還壽康宮 上曰在

此心神俱安實乙亥合司啓惊與瑜交結竄寧越

世祖即位教曰惊罪輕且 文宗只有一女今

上王使人來曰公主告病其意蓋欲還惊也予聞

命惶恐遂移楊根丙子成三問等死安置光州丁

丑瑜事發宗室大臣金論惊黨逆請誅之命嚴加

禁防已卯賜惊衣服辛巳十月以結僧徒謀亂被

誅錄公主同竄光州辛巳遣中使召還賜宅一區

奴婢五十口寧陽尉 公主在謫生子 貞熹王后

取八大內親自鞠養年至六七歲遊戲 禁庭世

祖問是誰兒 后以實對 世祖惻然曰 文宗



外孫惟汝一人置之膝歔欷流涕賜名看壽後歷

官右贊成封海平府院君海平家傳魯山君夫人以看

壽為侍養子莊陵舊志肅宗戊寅追封思陵以惊八代

孫一寧為參奉莊陵舊志英宗戊寅賜諡獻愍諡號考

今一上辛亥配食于莊陵忠臣壇政院日記

宋珪壽礪山人知中樞院事復元子礪山宋世譜端宗甲

戌冊珪壽女為王妃續以珪壽為知敦寧府事海東

野言世祖即位珪壽以輪對入見上曰近日變

故多端不意忝居大位卿其母忘舊義日問起居

乎上王盡心輔翼也丙子成三問事發世祖

置酒出宮人設樂令珪壽進酒執手謂曰朝廷皆

疑卿與聞屢請罪予不許卿予之故人也珪壽叩

頭謝續丁丑六月男子金正水告珪壽謀逆遂下

義禁府十月瑜謀復上王事敗羣臣固請誅珪

壽從之續肅宗己卯贈領敦寧府事礪良府院君

莊陵舊志珪壽墓失其處夫人墓在果川命設位賜祭

于其地國朝寶鑑今上辛亥賜諡忠愍配食于莊陵

忠臣壇政院日記

權完安東人安東權氏世譜甲戌完女選入後宮丁丑上

王出居瑜第權氏亦從完時官敦寧府判官尋為

金正水所告下獄義禁府啓完言 上王復位則  
甚好但此事不易與宋瑄壽交通謀逆罪當誅從  
之實錄

皇甫仁字四魚一字春卿皇甫公墓表號芝峯海平家傳永川

人知中樞院事琳子 太宗甲午擢親試事 世

宗為北道體察使同金宗瑞拓地置六鎮皇甫公墓表

世宗晚年違豫羣臣罕得進見仁入朝必引接寢

殿咨詢軍機眷遇超絕芝湖集由左贊成入相務持

大體隱然為國家重 文宗壬申為領議政受顧

命輔幼主皇甫公墓表癸酉權擊告 世祖曰仁貽書

金宗瑞謀議甚密將柰何 世祖默然良久曰彼

經營約束可費八九日無傷也及誅宗瑞啓仁黨

附瑑謀不軌狀急告仁續仁行過 宗廟下輿立

泣下顧舍人李禮長托以後事皇甫公行狀至卽稚殺

之續子錫官參判皇甫公墓表與弟欽逃匿鐵原寶益

山中府使安自立捕獻誅之實錄幼子銀奴萬伊竊負

而公入北道後居黃州皇甫氏家乘肅宗已亥錄用其

其後孫懌 英宗丙寅裔孫鍍又上書訟冤命復

官戊寅賜諡忠定賜祭于其家皇甫公墓表今 上辛

亥配食于莊陵忠臣壇攸院日記錫子加磨京斤甲戌

死錄

金宗瑞字國卿一作禎號節齋順天人都察制誦子

太宗乙酉登第金忠翼實記世宗置六鎮以宗瑞為咸

吉道都節制使時朝議不成宗瑞力主其事上

曰雖有寡人若無宗瑞不足以辦此事宗瑞既設

鎮日置酒張樂大饗將士嘗有流矢中酒樽意氣

自若海東名臣錄文宗辛未為右議政壬申受顧命輔

幼主海東野言別集尋陞左議政癸酉賜几杖寶錄宗瑞多

智畧時人目為大虎東閣雜記十月世祖將先誅宗

瑞招諸武士議遂變家僮林芸等至宗瑞家衝望

見武士三人持兵耳語又有騎者三十餘人夾路

而馳有頃皆散去宗瑞子承珪與卒患勉尹匡殷

坐語見世祖迎謁承珪八告宗瑞久之宗瑞乃

徐步至門却立不前既出拜仰天良久不言林芸

即椎擊宗瑞仆地承珪奔救伏其上楊汀拔劍斬

之是日宗瑞犒力士整兵器聞世祖至使人從

垣上覘之曰少則延之多則射覘者曰少宗瑞猶

設備乃出翼日宗瑞甦使元矩告敦義門守者曰

夜被傷幾死急告安平大君啓送內禁衛門者不

應宗瑞衣夫人服乘轎到敦義昭義崇禮三門皆

不得入還匿其子承璧婦家遣義禁府鎮撫李興

商追捕之宗瑞曰我大臣也不可以步將我軺軒

來遂斬之實錄肅宗己丑命錄用其後孫 英宗丙

寅十世孫景祖上書訟寃 命復官戊寅賜諡忠

翼賜祭于其家金忠翼實記 今 上辛亥配食于莊陵

忠臣壇故院日記承珪官知部既死議政府啓承珪為

瑤腹心日夜相聚刻期舉事實錄承璧癸酉登第官

直長國朝榜目公匿水原捕得殺之庶子石臺亦死子

木臺承珪子祖同壽同甲戌死實錄

鄭奉字子皂鄭忠莊實記 晉州人文定公以吾子 太宗

丙申登第有器局搜聞瑣錄壬申為左贊成尋拜右議

政癸酉皇甫仁等被誅竄奉于樂安尋安置邊郡

實錄謹按實錄但言安置奉于邊時奉以全慶

郡而丙子錄云即光陽未知何據 道體察使回自嶺南至用安驛前遇京官稱有旨

奉即下馬再拜曰受刑路中不祥可就驛館否官

曰將赴謫且奉又再拜曰活我耶官即舊郎吏偕

行十餘日不問時事海東名臣錄獻納金季友言鄭奉

許訥謀使瑤黨趙克寬掌兵權罪不減於仁等請

論如法不從實錄甲戌八月兩司請誅瑤餘黨始命

置法實錄在謫奉其先世祠版一日睡起令從行僧

精具飯祭已焚祠版俄而使至賜死海東名臣錄其妻

牽衣哭笨曰朝命不可拒身後事汝其治之臨刑

仰天歎曰吾無二心死必有異既死驟兩忽作白

虹橫亘丙子錄笨死妻邊氏以笨從父兄子之產立

以為後晉州鄭氏世譜英宗丙寅復官戊寅賜諡忠莊賜

祭于其家鄭忠莊實錄英宗戊子長興鄭姓人爭訟山

地官掘其祖光露墓得誌石光露以笨子預知時

艱佯狂匿跡而沒遜臣以為言命錄用其後孫朝

錄今上辛亥配食于莊陵忠臣壇政院日記

閔仲驪興人 文宗朝為兵曹判書尋移吏曹忠義傳

壬申 世祖朝京師請仲為副仲托疾不行癸酉

司勇鄭守忠告 世祖曰仲陰附瑤不可信也及

誅皇甫仁等仲方監督 顯陵碑役遣三軍鎮撫

徐遭斬于役所錄今上辛丑因後孫致祥訴冤

壬寅賜諡忠貞諡號辛亥配食于莊陵忠臣壇政院

日記子南昌南諧同死南釋甫興石伊甲戌死錄實

趙克寬楊州人靖平公啓生子 太宗甲午登第癸

酉為兵曹判書以瑤黨與皇甫仁等同死忠義傳英

宗丁丑復官趙氏家乘今上辛亥配食于莊陵忠臣

壇政院日記翁遂良 世宗庚子登第癸酉為平安道

觀察使未赴任忠義傳竄固城獻納金季友言遂良

以大臣往瑤別墅密語心事當誅從之錄從弟藩

為軍器錄事克寬死遣人殺之錄遂良子廷瑞

文宗辛未登第官正言丙子謫靈光朝英宗丁

丑並復遂良藩廷瑞官趙氏家乘藩子李同貴同甲戌

死實錄○謹按魯陵志季同作香同誤

金文起初名孝起金海人 世宗丙午登第官吏曹

判書金公諡狀丙子朴彭年言文起預謀鞠之不服與

李壇等同死實錄英宗朝九世孫鼎九訟冤復官金公諡

狀今 上戊戌賜諡忠毅諡號辛亥配食于莊陵

忠臣壇政院日記于玄錫官縣監亦死金海金氏世譜

成勝昌寧人襄惠公達生子登武科官都揔管昌寧成氏

世譜乙亥 上禪位勝子三問為承旨勝時直都揔

府送奴政院數問三問三問不答久之起如廁仰

天太息曰事畢矣奴還白勝勝亦泣下趣馬歸即

告病卧一室家人亦不得見唯三問至辟左右與

語丙子三問等謀復 上王期以詔使請宴日舉

事秋江集勝及愈應孚朴靖為雲劔是日以殿內狹

隘除雲劔實錄勝佩劔將入韓明澮曰已有教勿入

勝退欲擊明澮等三問止之海東野言別集及事覺與三

問同日死寶錄嘗有詩曰一死固知忠義在顯陵松

柏夢依依丙子錄肅宗壬申復官國朝寶鑑今上甲辰

贈左贊成辛亥賜諡忠肅配食于莊陵忠臣壇院政

記日

朴靖丙子與成勝愈應乎俱為別雲劔事覺與勝同

日死寶錄今上辛亥贈兵曹判書賜諡忠剛配食

于莊陵忠臣壇院政子崇文季男則同並死東鶴寺記

朴仲林號閉碩堂順天人牧使安生子幼而性孝及

長精通經籍平陽家乘世宗癸卯登第丁未重試歷侍

講院輔德朴公諡狀文宗為世子仲林見小失必極諫

國朝寶鑑世宗置集賢殿仲林以文章德行應選成三

問河緯地皆師事之朴公諡狀端宗癸酉上召皇甫

仁金宗瑞鄭奉問誰可為大司憲對曰宜用思慮

深長不喜紛擾者朴仲林其人也上曰然遂以

為大司憲國朝寶鑑甲戌為吏曹判書集賢殿提學朴

諡丙子與子彭年謀復上王事覺同死寶錄臨刑

諸子泣告曰欲忠於君有違於孝仲林笑曰事君

不忠非孝也遂就戮忠義傳英宗己未復官今上

甲辰贈左贊成戊寅賜諡文愍平陽家乘辛亥配食于

莊陵忠臣壇院政

成三問字謹甫

秋江集

一字訥翁

朴先生遺稿

號梅竹軒勝

子

昌寧成氏世譜

始生空中有問者三故名

東閣雜記

世宗戊

午登第丁卯重試壯元

六臣遺稿附錄

為人詆諧放浪外

若無持守內操堅確

秋江集

世宗製訓民正音時明

翰林學士黃璿謫遼東命三問見璿質問音韻往

返者十三

東閣雜記

詔使倪謙東來三問與之遊論愛

重約為兄弟

庸齋叢話

恒侍經幄啓沃弘多

上幸溫

泉與朴彭年申叔舟崔恒李道僂服在駕前備顧

問一時榮之

秋江集

文宗在東宮沉潛學問每月明

入靜手一卷步至集賢直廬與之問難三問夜不

敢輒解冠帶一日夜將半脫衣欲臥忽聞戶外履

聲呼謹甫而至三問顛倒迎拜

龍泉談寂記

癸酉誅金

宗瑞賜集賢諸臣勳號三問獨不設宴

秋江集

尋為

右司諫

國朝寶鑑

啓曰上幼冲浚居宮中羣臣久不

接見恐人心未定請以白衣月再御勤政殿受朝

參使羣臣得以瞻望

實錄

乙亥上禪位三問以禮

房承旨抱國寶痛哭丙子謀復

上王期以詔使

請宴日舉事

秋江集

及除雲劔三問啓其不可

實錄

礦上變上召三問詰之三問笑曰皆是也

東閣雜記

上曰若等何為叛我三問抗聲曰欲復故主何謂



叛耶天下誰有不愛其君者乎吾固知一死然徒  
死無益忍而至此耳上曰汝食我祿而背之反  
覆人也三問曰上王在何以臣我我不食祿籍  
我家而計之施灼刑顏色不變顧叱申叔舟曰始  
與汝在集賢殿世宗抱元孫散步中庭顧諸儒  
臣曰寡人千秋萬歲後卿等須護此兒言猶在耳  
汝獨忘之耶叔舟無以為答提學姜希顏辭連不  
服上問希顏與謀乎三問曰實不知之臨刑顧  
左右曰若輩佐賢主致太平三問歸見故主於地  
下笑謂監刑官金命重曰此何事耶既死籍其家

自乙亥以後祿俸別置一室書曰某月之祿家無  
餘貲寢房惟有苔薦而已秋江集肅宗辛未復官國朝  
續英宗戊寅贈吏曹判書賜諡忠文魯湖志今上  
辛亥配食于莊陵忠臣壇政院日記第三聘官府使三  
顧三省官正郎昌寧成氏世譜三顧三省同被逮鞠俱死  
錄實錄子孟瞻孟平孟終憲澤及幼子二人亦死東鶴寺記  
朴彭年字仁叟秋江集仲林子平陽朴氏世譜世宗甲寅登第  
丁卯重試性沉靜寡默以小學律身終日端坐衣  
冠整肅文章冲淡筆法鍾王秋江集集賢學士莫不  
擅名一時而皆推彭年為集大成痛齋叢話有田廣州

可種五六斗其友責之曰祿足以代耕何必置田  
彭年即賣之靜庵集端宗即位上以彭年學問精  
深擢拜副提學國朝寶鑑甲戌為左承旨慶高道觀察  
使李崇之進琵琶彭年請却之上嘉納國朝寶鑑乙  
亥上禪位彭年臨慶會樓池欲自墮成三問曰  
上為上王我輩且後圖不成死亦未晚彭年從之  
遂與三問及河緯地柳誠源李埏俞應孚等數十  
人密謀復位尋出為忠清道觀察使丙子為刑曹  
參判秋江集及事覺被鞠曰成勝愈應孚朴靖為雲  
劔則何難之有昨因地窳除雲劔故未果欲於後

日觀稼路上圖之寶錄上愛其才密諭曰汝能歸我  
則生彭年不答又不稱臣上曰汝既臣我今不  
稱何也彭年曰我是上王臣曾為觀察使狀牘  
亦未嘗稱臣也校之皆書以巨金命重時為義禁  
府都事私謂彭年曰公何以致此禍彭年歎曰中  
心不平不得不爾秋江集尋死獄中磔其屍寶錄宣祖  
辛未上謂左右曰昔朴彭年嘗薦友其友欲有  
贈彭年拒之可謂廉也命錄其後孫國朝寶鑑肅宗辛  
未復官戊寅追封莊陵以彭年九世孫慶餘為參  
奉莊陵舊志英宗戊寅贈吏曹判書賜諡忠正乙未旋

問

平陽

今

上辛亥配食于莊陵忠臣壇

改院

弟

引年字龜叟號景春軒文宗辛未登第官校理

耆年字松叟號東齋辛未亦登第官修撰大年字

喬叟丙子登第官博士

平陽

彭年

死俱被鞠耆

年言沈慎奉汝諧成三顧崔得池參謀遂以結黨

謀逆論死

寶錄

弟永年官正郎子憲均俱成均生負

人並死

東鶴

憲為人正直臨刑顧謂人曰無以我

為亂臣也

秋江

珣妻李氏沒為大丘府婢方有娠

及生男當隨坐婢適生女易以養之名曰朴婢

成宗壬辰珣友婿李克均為慶尚道觀察使勸令

自首

上特宥之改名壹

冊

平陽

李塏字清甫一字伯高

六臣遺稿

號白王

魯湖

韓山人

正郎李疇子

韓山

世譜

丙辰登第丁卯重試

江秋

官集賢殿直提學

魯湖

文章清穎若發詩亦精

絕

叢話

丙子事覺上謂塏曰汝予故人也誠有

如此者宜盡言塏不答

寶錄

為人瘦弱體不勝衣被

掠顏色不變

秋江

上在潛邸塏叔父季甸出八甚

密塏常戒之及是順上曰曾聞塏有此言果然有

異心

東閣

臨刑有詩曰禹鼎重時生亦大鴻毛輕

雜記

雜記

全慶志二

十九

處死猶榮秋江集以塏包凶稔惡唱謀作亂其徒成

三問等同惡相煽頒教中外續錄肅宗辛未復官

英宗戊寅贈吏曹判書賜諡忠簡魯湖志今上辛

亥配食于莊陵忠臣壇攷院日記從弟裕基官都鎮撫

以塏黨死續錄子公澹裕基子銀山亦死東鶴寺記

河緯地字仲章一字天章號丹溪河氏家乘又號赤村成

生遺稿晉州人知青松郡事澹子世宗戊午登魁

第選八集賢殿旅軒集為人沉靜寡默恭而有禮過

闕必下錐兩潦未嘗避路侍講經幄多所裨正當

時論人才推緯地為首秋江集英宗皇帝陷北虜緯

地感慨曰天子蒙塵天下所共憤我輩雖海外陪

臣豈可恬然不預其憂乎每處外廊不入寢室成

記聞○謹按戊寅記聞奇遵所著洪仁右馳齋日

記以此為朴彭年事而謂聞於奇大恒大恒即遵

子恐是傳癸酉歷代兵要成世祖為捻裁官請

加諸儒資緯地時為執義陞中直力辭上問大

臣皇甫仁等言世宗朝緯地亦以撰集功受賞

請勿許緯地曰世宗時恩出於上故受今恩出

於下故不受遂改授集賢殿直提學未久稱病歸

善山西厓集朴彭年嘗借簔衣於緯地以詩答曰持

贈簔衣應有意五湖烟雨好相尋蓋傷時也金宗

瑞誅以左司諫徵之辭不就秋江集上疏請強公室  
嚴內治杜權門曰臣抱病江湖遙望宸極日夜嗚  
咽流涕呼天地鬼神而默禱曰願今日任輔政之  
責者益盡保傳之道使 聖體日康聖學日就速  
親萬機以副海東百萬億赤子顛顛之望內自庭  
掖外至四境悉皆安帖無少動撓 太祖太宗世  
宗文宗傳付之統未有盤石之安 啟下亦宜開  
張聖聰延納讜論恢弘志士之氣勤御經筵益尊  
德性嚴防未萌之愆明一心以照奸正一心以禦  
邪親骨鯁遠讒佞克濟艱難以慰 文宗皇考之

望不宜徒自謙抑曰予幼子何敢而已也河先生遺稿  
世祖即位召拜禮曹判書受祿別貯一室而不食  
秋江集丙子事覺 上愛其才密諭曰汝若諱之可  
免緯地不答東閣雜記又就鞫曰人以叛逆為名厥罪  
應誅夫何問 上意解獨不施烙刑與三問等同  
日死秋江集子琥珀珀枝收年未弱冠畧無懼色顧  
義禁府都事請與母訣都事許之珀八門跪告曰  
父既被死子不可獨生雖無朝命固宜自訣念妹  
將笄雖沒為婢婦人之義猶當從一而終遂再拜  
出就死人謂緯地有子松窩雜記肅宗辛未復官國朝寶鑑

緯地在獄中以後事托其從子龜童命名曰礪礪  
後改名源子孫居安東乙酉遼臣閔鎮厚白其事  
命以源繼緯地後 英宗甲子錄其後孫龍翼戊  
寅贈吏曹判書賜諡忠烈今 上丁酉旌問河氏家乘  
辛亥特贈珀司憲府持平父子並配食于莊陵忠  
臣壇政院日記弟紀地與兄同年登第官學諭國朝召  
地成均生負並死按軒集○謹按張顯光所撰墓  
入闕應製聞其兄網地死不製而出墓碣誤也又  
云子璉生負魯陵志則有璉班二人本出東鶴寺  
魂記今考魂記又作池璉池班而李璉松窩雜記  
緯地只有二子璉珀故河氏家乘以璉璉疑為璉  
珀之一名俱屬  
未詳今不敢錄

柳誠源字太初秋江集文化人士根子魯湖志世宗甲子  
登第丁卯重試癸酉誅金宗瑞等誠源在集賢殿  
草教書歸家痛哭家人莫知其故後為司藝丙子  
事覺誠源自成均館即趣駕歸與妻酌酒飲八家  
廟久不出往視之已引刀自刎俄而吏來取屍磔  
之秋江集集賢殿南有大柳甲戌柳忽枯或戲誠源  
曰禍必自柳始後誠源果敗集賢殿尋支筆苑肅  
宗辛未復官 英宗戊寅贈吏曹判書賜諡忠景  
魯湖志今 上辛亥配食于莊陵忠臣壇政院日記子貴  
連松連並死東嶽寺記

俞應孚字善長杞溪人魯湖志登武科官至二品六臣遺稿

附錄雄勇善射世宗文宗愛重之性至孝身長過

人容貌嚴壯為宰相以席遮戶食無一肉而養母

之具未嘗不贍母嘗往抱川與弟應信從行馬上

翻身射鴈應弦而墮母大喜嘗為咸吉道節度使

有詩曰駿馬五千嘶柳下良鷹三百坐樓前秋江集

癸酉為平安道都節制使國朝實鑑丙子朴彭年等謀

復上王應孚為雲劔會罷雲劔應孚猶欲舉事

秋江集衆中奮拳曰誅權孽韓明潛此拳足矣何用

大劔秋江集彭年及成三問止之曰公之雲劔不用

天也不如俟他日應孚曰事貴神速今日奉 上

王號令時不可失也彭年等固不可遂止秋江集事

覺上問汝欲何為應孚曰欲復故主不幸為奸

人所發復何為我顧謂三問等曰人謂書生不足

與謀果然向者吾欲試劔汝輩固止之以致今日

之禍人而無謀何異畜生即閉口不言施灼刑顏

色不變取鐵投地曰鐵冷更灼來不服而死秋江集

肅宗辛未復官英宗戊寅贈兵曹判書賜諡忠

穆魯湖志今上辛亥配食于莊陵忠臣壇政院日記子

忠守亦死東鶴寺記

許詡河陽人文敬公稠子許氏家乘世宗丙午登第丙辰  
重試立朝二十餘年謹身守口壬申為左參贊  
世祖將朝京師詡曰方今主少國疑公子為國柱  
石去將何之世祖心躋其言秋江集遂請詡充副  
使詡佯諾陰囑金宗瑞以撰修實錄免錄實錄癸酉為  
知經筵事請委任三大臣上嘉納國朝寶鑑皇甫仁  
等死諸功臣入賀酒行樂作詡托以齋日獨不食  
肉已而命梟仁等首戮其孥詡曰此輩何罪乃至  
此乎宗瑞交疏其心未能知仁則萬無謀反理朝  
廷元老同日盡死詡生亦足矣忍食肉乎因流涕

秋江集及授贊成固辭不受遂竄巨濟尋以預仁等  
謀論啓死續寶錄丙子六臣事發上曰許詡若在六  
臣為七秋江集英宗丁卯復官丙子賜諡貞簡許氏家乘  
子慥世宗丁卯登第官集賢殿副修撰國朝榜目丙  
子以李增妹婚參謀事覺自刎死磔其屍續寶錄今  
上庚戌因後孫默訟寃命復官特贈弘文館副提  
學錄用默許氏家乘辛亥父子並配食于莊陵忠臣壇  
後院慥子延齡九齡亦死東鶴寺記  
朴季惠密陽人文獻公堧子世宗朝登第選八集  
賢殿朴氏家乘甲戌八月以瑤黨死堧當被坐命從自



願安置外方寶錄今上辛亥贈吏曹參判配食于

莊陵忠臣壇後院日記

李甫欽字敬夫號大田居士永川人副司直玄實子

少從柳方善受業世宗己酉登第為集賢殿

士大田實記能文章有吏才性儉約衣垢弊不耻後錄

端宗禪位不樂仕進嘗為文祭吉再墓曰周武舉

義夷齊採薇於首陽漢光中興子陵垂釣於富春

李公遺壚碑丁丑為順興府使大田實記錦城大君瑜竈順

興每與甫欽相對流涕潛結南中人士為復上

王計丙子錄李同上變甫欽亦馳啟遣大司憲金淳

往鞠瑜及甫欽義禁府啟甫欽嘗假稱鎮穰遣言

人石敬說瑜曰麗朝王子多為僧免禍又問僧懶

夫曰瑜終於此乎將還京也懶夫答曰有虛蒙相

甫欽以語瑜言汝昔與瑢相知亦可畏也今時

不問有罪無罪坐之甫欽曰靖難時事機嚴急

或有如此者甫欽謀逆明甚當誅命杖流博川尋

遣義禁府都事崔秀男誅之寶錄英宗戊午復官贈

吏曹判書大田實記己未賜諡忠莊諡號今上辛亥

配食于莊陵忠臣壇後院日記

嚴興道寧越人為郡戶長嚴公事畧丁丑十月上王昇

遐興道即臨哭具棺斂襲恐有異論即葬之魯陵志

興道族黨懼禍爭止之興道曰為舍被禍吾所甘

心綱子既喪與其子好賢公去興道死其子潛歸

葬故山玄孫漢義後居醴泉嚴公事畧顯宗已酉右議

政宋時烈請祿用其子孫上可之宋子大全附錄肅宗

戊寅贈工曹佐郎英宗丙午旌其舊閭癸亥加

贈工曹參議戊寅加贈工曹參判遣官贈祭今

上乙巳命官修其墓戊申賜祭于旌閭處嚴公事畧辛

亥配食于莊陵忠臣壇政院日記

死事諸人

安完慶廣州人處舍子世宗癸卯登第丙辰重試

癸酉為忠清道觀察使忠義傳以瑤黨竄梁山獻納

金季友啓完慶到京畿地與瑤密語約束罪不可

赦遂絞死錄實

池淨武人癸酉除忠清道節制使未赴金宗瑞等死

逃匿不見捕竄靈巖議政府啓淨與趙順生李石

貞等俱以武官阿附瑤日夜往來共為黨援尋絞

死錄實

李耕暎官鏡城府使癸酉以皇甫仁等連結耕暎謀

反遣義禁府知事具致寬往斬之錄實子勿金度子

漢山甲戌死

實錄○謹按東歸寺魂記耕味子又潘子季同連書恐因此而誤

有季同不見於實錄實錄勿令與趙

李命敏官繕工監副正嘗監造仁政殿備齋癸酉

上王在鄭棕第皇甫仁遣命敏啟請還御壽康宮

命議于政府續金宗瑞既死以命敏黨瑤謀叛遣

人殺之翼日命敏復甦而逃使護軍朴悺誠往斬

之實錄

尹處恭官軍器判事議政府啟處恭及錄事趙藩掌

武庫兵仗與知部金承珪鎮撫元矩等日夜聚瑤

家刻期舉事皇甫仁等死遣人殺之續子涇渭濯

湜同死介同孝同甲戌死

實錄

元矩官鎮撫與尹處恭等同死

實錄

李賢老初名善老江輿人 世宗戊午登第為集賢

殿校理國朝賢老獻策諸大臣令憲府禁奔競于

政府及諸大君家 世祖與安平語執政曰是疑

我也 上新即位首疑宗室而禁防之無乃孤立

無助乎皇甫仁佯驚曰我實不知即罷之黃免賢

老為人輕薄有技術出入安平家又與韓明澮相

往來觀明澮謁安平明澮不應海東野癸酉議政

府啟賢老言瑤命貴不可言又言白岳北有興王

地瑤乃搆武漢精舍欲應符讖實錄時賢老罷官在

湖南與鄭本同還中路被誅黃免子乾金乾王

乾鐵甲戌死實錄○謹按魯陵志以乾金

趙東孫漢陽人開國功臣溫孫世宗壬戌登第官

司藝國朝議政府啓東孫以瑤腹心為兵曹正郎

掌兵權安置邊郡死實錄

李石貞武人官僉知中樞府事膂力絕人能彎一強

馳馬每獵歸獲禽必如矢數慵齋叢話以瑤黨竄逃日

移南海甲戌絞死實錄

趙順生武官以瑤黨安置邊郡甲戌絞死實錄

朴夏官高陽縣監喜詼諧落拓不為人齒嘗過關西

門瑤適見之與語亟昵之續瑤嘗以生朝設宴麻

浦江亭夏賚酒肉至諂事瑤奴僕撤其飯案與馬

卒共喫頗有得色癸酉安置邊郡絞死實錄

河石瑤黨瑤將謫江華路謂其奴永奇曰事若不濟

河石必先誅汝須收骨來使我見之石逃竄永同

鎖撫崔德紹捕斬以獻實錄

黃義軒昌原人世宗壬戌登第朝癸酉知安岳

郡事郡人副司正李苞告義軒有密謀遣知通禮

門事柳規鞠辭連人逮囚義軒甲戌義禁府啓義

軒與瑤交密癸酉十月托射獵聚軍九百七十四

名及聞瑤犯大逆遣記官楊榮于京師按候動靜

請論如法命斬之籍其家續子石同並死

高德稱官高陽縣監甲戌義禁府啓高陽記官植培

數隨瑤打獵又飼瑤馬于家受細一疋德稱及兵

房記官仲銀失其姓詐稱聲息下帖摠牌整軍馬

多收民間軍器罪應誅並斬之籍其家植培妻自

縊死實錄。謹按東鶴寺碑記有貴孫者失其姓與植培同死而實錄無之今不錄

趙完珪善博奕出入瑤家 癸酉安置邊郡甲戌絞

死實錄

金晉嘗與瑤會射癸酉杖竄邊郡尋絞死實錄子介同

甲戌死實錄

黃貴存官司謁癸酉在關中以瑤黨捕下義禁府竄

江界尋絞死實錄子敬孫長孫甲戌死

金末生杖竄邊郡與金晶同死實錄子珊瑚甲戌死

朴以寧竄務安趙石崗竄巨濟金尚忠李差安莫同

梁王崔老癸酉並死尚忠子得于于甲戌死實錄

謹按東鶴寺碑記有佛連者失其姓與趙順生聯書而實錄佛連與安莫同等同竄邊郡其死則不見不并錄

池和謹按東鶴寺碑記作池信和 官人議政府啓和妄言瑤命極

貴斬之續

金行韓崧宦官皆塔黨金宗瑞誅以行崧在側未敢

先啓台 上遣三軍鎮撫崔錫起斬行于家崧時

在闕中捕下義禁府竄間巡尋絞死實行子大丁

匿誠寧大君家誠寧夫人成氏使衣婦人服伏寢

屏後捕得斬之實錄謹按實錄云塔黨有六丁

此慵齋叢話伶人金大丁善鼓琴早歲被誅意或

尹庄殷以金宗瑞黨竄扞城續後宥還居儒城仍氏

焉忠義傳謹按實錄李世門柳亨與許詡同竄

門于巨濟然仲門不現實錄亨因亨世門姓各致

此訛誤趙德常禱湖隨錄遂謂仲門官承占竄死

未知何據  
今不敢錄

趙由禮官同知中樞院使乙亥閏六月賓廳啓由禮

與瑜謀亂下獄竄光陽尋絞死實錄

崔泳孫金王謙乙亥二月賓廳啓其與瑜會射邊遠

充軍尋金絞死續

成文治官護軍乙亥閏六月以瑜黨邊遠充軍尋與

許遂洪九成洪王峯李聞陳有藩崔自陟李禮崇

申孟之申仲之申謹之申敬之金絞死續

睦孝智典農寺奴與成文治同死續

朴遂良乙亥義禁府啓遂良與朴良誠任進誠常蓄

異志謂不道語李祥孫聞其言同議立稟李守楨  
潤色之命斬遂良守楨餘並處絞實錄

嚴自治尹奇崔粲俱宦官乙亥二月賓廳啓自治等

干預國故凌蔑朝廷盜用內府物擅毆諸司官吏

奇瓔黨粲小宦亦橫恣請黜之悉下義禁府六曹

啓自治罪魁當置重典竄濟州道死奇粲及金忠

李貴印平柳臺朴閏金得祥吉由善曹熙徐盛代

並處絞實錄得祥兄得誠亦死據湖隋錄口謹按魯陵志印平作金印平

誤

宋石同鎮川人 以李塏羽翼與塏等同死續子

昌寧安太山金死東鶴寺碑記

尹鈴孫官刑曹正郎丙子朴彭年等謀以宴使日舉

事會議於集賢殿成三問曰申叔舟吾所善然罪

重不可不誅使武士各主所殺鈴孫主叔舟會罷

雲劔謀中止而鈴孫不之知叔舟就僂房沐髮鈴

孫按劔欲前三問目止之乃退秋江集與三問等同

日死實錄

奉汝諧河陰人官司饗別坐兵曹判書楫之子朴彭

年之妹婿也丙子事發者年言汝諧預謀自言佩

刀八闕有拒者將刺之與耆年同死實錄口謹按東鶴寺碑記

有奉紐者與汝諧聯書  
而不知為何人今不錄

沈慎官吏曹佐郎 丙子被鞫慎言與朴彭年居比

隣招聚李禎祥李智英輩又嘗會射於正言柳桂

芬家桂芬誠源兄子也慎遂以謀逆論死實錄子吾

乙未金死東鶴寺

黃善寶預權自慎謀死獄中車裂其屍實錄

李義英官別侍衛俞應孚女壻也以李塏羽翼死實錄

弟智英官中樞院錄事為沈慎所引與兄末生俱

死實錄

李禎祥官別侍衛沈慎隣人也與李智英同死實錄

鄭冠李智英妻同產也與趙清老崔得池崔致池崔

斯友權著金堪金善之李昊張青勇崔沔沈上佐

等並以李塏黨死續清老子榮緒致池子閏石季

同莫同石同哲同哲山堪子漢之昊子盛孫茂孫

金死東鶴寺魂記謹按收司諸人金不載實錄

只見東鶴寺魂記而此外又有李忠怡金仇

李午義禁府啓平與其妻阿加之謀以宴詔使日取

內廂庫刀子密授別監芻中付權自慎觀變卒與

芻中金死續子乃斤乃鐵金小同亦死東鶴寺

羅芻豆旨人丙子事發 上問芻豆曰何人問卜對



曰頃者奉保夫人使人問鵠鳴于闕北何也答曰安樂曰上王安否答曰上王當不久復位

遂以謀逆論死實錄

李徽官工曹參判實錄李埴妹婿丙子間事覺詣政院

啓成三問等謀後竟被鞫死實錄

庾龜山官觀察使贊成璫子居順與弟鰲山同死

標湖隨錄

沈希祐學生義禁府啓希祐言今年農事不登雷震

闕門復位 上王則天變可弭斬之實錄

朴守明學生亦坐亂言死實錄

禿同姓其本宮奴尹生姓其典農寺奴丁丑刑曹啓

禿同尹生將西衣胡桃要謁 魯山君罪應死命

杖一百實錄今上辛亥金贈軍資正

鄭保號雪谷處士迺日人文忠公夢周孫官司憲府

監察早傳家學為世推重墓表與成三問朴彭年友

善六臣獄起嘗慷慨其庶妹為韓明澮妾保徃見

問明澮安在曰在闕鞫囚保揮手曰令公殺此人

當為萬古罪人即拂衣去明澮以聞 上鞫之對

曰素知成三問朴彭年之為正人君子故有是言

上命鞫之仍問此何人左右曰鄭夢周之孫

上遽止之曰忠臣之後也減死流延日錄于後移  
丹城死 肅宗已卯贈吏曹參議墓表 享龍仁忠  
烈書院

朴氏名者介尚宮也楊嬪出宮 上思念不已使朴  
氏往見楊嬪已韞馬承旨姜孟卿以為不可乃止  
乙亥以與瑜交結擅權宮中論竄青陽尋與楊嬪  
同死錄

阿加之奉保夫人李氏之婢而李午妻也丙子事發  
被鞫又問宮女春月蟲介曰誰知此謀對曰初一  
日阿加之呼我輩曰汝等來聽吾言外人將復立

我 王當在今日宴罷後婢等驚恐曰果爾上將  
必加職帶金矣上將指午也遂輾阿加之杖流春

月蟲介錄

龍眼巫女也因阿加之佛德卜命稱 上王今年復  
位有喜事與巫女內隱德金論死實錄○謹按東  
非與龍眼同死而  
不見實錄不錄

靖義諸臣

金時習字悅卿江陵人高麗侍中台鉉後生八月知  
書三歲能綴文五歲通庸學號神童 世宗召試  
以詩賜帛還家國人稱曰五歲而不名 魯山遜

位時習年二十一方讀書三角山中即閉門不出者三日乃大哭盡焚其書發狂陷溷廁而逃托跡緇門名雪岑累變其號曰清寒子東峯碧山清隱贅世翁梅月堂為人貌寢身短豪邁英發簡率無威儀勁直不容人過傷時憤俗遂放形骸域中山川足跡殆遍文章不甚經意而思致高遠人願從學者輒逆擊以木石或彎弓將射山行題詩樹上諷詠良久輒哭而削之栗谷集其詩喜用薇蕨字嘗居中興寺每雨後裁紙百餘葉携筆硯臨流而坐沉吟作詩且書且投紙盡乃還思齋摭言或刻木為農

夫形列置案前熟視終日亦哭而焚之種禾甚盛

乘醉揮鎌狼籍委地仍放聲哭見達官非人望必

哭曰斯民何罪栗谷集有沙彌喉音清楚每夜獨

坐令誦離騷輒泣下沾襟性嗜酒醉則曰不見我

英廟流涕甚悲龍泉談寂記金守溫徐居正賞以國士

居正方趨朝時習盤纒帶索遇諸市仰首呼曰劉

中居正字安穩居正笑應之栗谷集居正嘗以呂尚

釣魚圖求詩即題云風雨蕭蕭拂釣磯渭川魚釣

識忌磯如何老作鷹揚將空使夷齊餓採薇居正

默然清江詩話謹按芝峯類說云時習為韓明澮作此詩未詳孰是守溫以孟

子見梁惠王論試太學諸儒有一生見時習曰乖  
厓好劇此豈合論時習笑曰非此老不能乃走筆  
成篇曰試瞞此老生如其言守溫讀未終遽問曰  
悅卿近住何寺其論以為梁惠僭王孟子不當見  
云栗谷世祖嘗作法會于內殿被召至忽凌晨  
逃出使人踵之陷溷穢中露半面而坐龍泉談年  
四十七忽長髮為文以祭祖父娶安氏女為妻入  
多勸之仕終不屈志放曠如舊或入訟庭持曲作  
直詭辯必勝案成大笑破棄之或與市童遊一日  
見領議政鄭昌孫過市大呼曰彼漢宜休人多危

之絕交宗室秀川副正貞恩南孝溫安應世洪裕  
孫輩終是不渝未幾妻沒復還山作頭陀形遊江  
陵襄陽間柳自漢宰襄陽待以禮勸復家業時習  
以書謝之曰與其落魄而居世孰若逍遙而送生  
栗谷八金鷲山作新話藏石室曰後世必有知我  
者大抵述異寓意作也龍泉談弘治六年終年五  
十九遺戒無燒葬生時手畫老少二像自贊曰爾  
形至競爾言大同宜爾置之溝壑之中栗谷肅宗  
己卯贈司憲府執義國朝今上甲辰贈吏曹判  
書賜諡清簡辛亥特命追配于寧越彰節祠

享鳩山清逸書院咸安西山書院尉珍龜巖書院

楊州清節祠慶州梅月祠春川春睡堂

南孝溫字伯恭號秋江海錄名又號杏雨師友言行錄宜

寧人父性早死事母李氏以孝聞海錄名為人侗

儻篤好好古有志節諛聞錄冲澹弘毅疎曠典雅骨

次灑落無一點塵氣嘗受業於金宗直宗直不敢

名必曰言秋江與金宏弼鄭汝昌金時習安應世

諸賢相推重若兄弟 成宗朝年十八上疏請復

昭陵海錄名疏畧曰 世祖大王廓清大難化家

為國不意昭陵見廢二十餘年寃魂無依臣不知

文宗在天之靈肯獨享禱祠蒸嘗哉秋江集疏八不

聽遂絕意斯世以散漫為事名勝之地足跡殆遍

海錄名每憤時事或登母岳痛哭而返危言覈論

無所忌諱宏弼汝昌戒之不聽丙辰丁巳錄時習嘗謂

孝溫曰我受 世宗厚知為此辛苦生活宜也公

則異於我蓋為世道計也孝溫曰昭陵事天地大

變復昭陵後赴舉不晚時習不復強之山中獲作

六臣傳門人懼禍止之孝溫曰吾豈惜死終沒大

賢忠義之名遂成野史俾行于世曹陵志後以母命

罷勉應試中庚子進士忠義傳性嗜酒母責之著止

酒賦十年斷飲師友言行錄每仰看白日歎曰人生也

直人不可欺天可欺乎忠義傳壬子卒年三十九燕

山君甲子追罪昭陵疏禍及泉壤海東名臣錄子忠世

金死護開瑣錄叔父恢竄死鎮川樗湖隨錄中宗丙寅贈左

承旨忠義傳今上甲辰加贈吏曹判書賜諡文貞

辛亥特命追配于寧越彰節祠 享高陽文峯

書院咸安西山書院長興汜陽江書院宜寧鄉祠

俎豆錄

李孟專字伯純號耕隱碧珍人詠齋集兵曹判書寶芝

子世宗丁未登第官司諫院正言上王初乞

外補為居昌縣監以清白聞海東名臣錄甲戌見時事

艱虞退居善山托以昏聩足不出戶外家居三十

年未嘗面闕而坐善志屢召不起終老丘園家貧

坐無苦席食無匙箸而怡然不以為意海東名臣錄謝

絕親朋子弟問其故曰修養所忌也每月朔向朝

噉而拜又問則曰祈禱已疾也雖家人莫能測與

金宗直語披露心曲應答無碍宗直曰先生之疾

今幾瘳矣答曰疾非瘳也既見君子自不覺心膏

豁然也宗直識其微意改容加敬其妻金氏始知

其非真病也詠齋集年九十卒海東名臣錄肅宗時遣官

賜祭今 上辛丑贈吏曹判書賜諡靖簡 享

善山月巖書院咸安西山書院趙豆錄

元昊號霧巷原州人 世宗癸卯登第明谷集世祖受

禪以集賢殿直提學兼官歸鄉師友言行錄端宗孫于

寧越就越之西築石名觀瀾或臨流嘯咏或閉戶

著書晨夕瞻望涕泣 端宗薨服喪三年制異復

歸原州舊廬不出戶庭人莫得見其面其從子原

城君孝然屏其徒御踵門見堅拒不許 世祖特

除戶曹參議名之以死自誓不應命坐必東向卧

必東首以莊陵在東也明谷集厥其居近官府入酒

泉縣山谷中以終身焉師友言行錄肅宗戊寅命旌其

問諡今 上辛丑贈吏曹判書甲辰賜諡貞簡諡

考享原州七峯書院咸安西山書院趙豆錄

趙旅字主翁號漁溪咸安人 端宗癸酉進士士望

甚重一日揖諸生歸墓碑銘自乙亥遂廢科業杜門

不出墓內行純備家甚貧親極滋味喪祭一遵文

公家禮辨色而作正襟讀書客至所談惟桑麻其

見於詩者往往採薇遺音墓碑銘遯世无悶之志與

金時習同調 渾璞藏晦絕浮華惟為其所當

為矯激過情者痛除之是以鄉人惟知其孝友其

蘊于中者無得以稱焉礎自卜藏於崑巖江上距

伯夷山若干里 肅宗已卯贈吏曹參判墓碑今

上辛丑十世孫重晦疏陳本末加贈吏曹判書狀

賜諡靖節諡號 享咸安西山書院

成聃壽字耳叟號文斗昌寧人 父熺字用晦京畿

觀察使概子學識高明 世宗庚午登第為集

賢殿校理 端宗朝國勢危疑與從父兄子三問

協輔王室以死生不易其心相勉三問死亦受嚴

鞫閉口不言安置金海三年宥歸公州竟以忠憤

沒寒水齋集聃壽有至性高識居父墓下布衣麈食

處之晏如未嘗一至京師不以世族自著故人視

之如田父從子夢并觀察京畿巡至本州不識所

在物色然後得之及至其門草屋蕭然不蔽風雨

土床容膝客坐無席夢并歎息而去還家送席聃

壽揮去曰此物不合貧賤之家時罪人子弟除參

奉以觀去就無不俛首從官而聃壽竟不拜吟詩

釣漁悠然自適人莫知其淺濶所居在坡山南谷

未老而卒牛溪集 今 上辛丑贈吏曹判書甲辰賜

諡靖肅 翁聃仲終身自廢授南陽教官不起聃

仲字夢箕挈家寓林川之龜山土床蝸室日與村



翁野叟評論桑麻李符勸之仕汪然出涕而不應

符義之改容歎息寒水齋集

權節字瑞操號栗亭一號醉翁安東人正郎審子幼

有奇相膂力絕人栗谷集與南怡齊名芝峯類說博通羣

書世宗丁卯登第上知其有文武大才俾習

弓馬特授司僕寺直長選為集賢殿校理世祖

潛龍屢臨其第密諭以大事節倂聾不敢答遂謀

出處于其從子晏乃為韜晦之術持身應事不為

檢束栗谷集上即位惜其才器擢僉知中樞府事使

典禁兵佯狂不應命見人輒稽首曰國家太平

聖主萬年以此終其身遺事肅宗甲申贈吏曹判

書賜諡忠肅

曹尚治字子景號靜齋一號丹臯昌寧人忠信子

世宗己亥魁文科為集賢殿副提學世祖受禪

稍疾不入賀上疏乞致仕曰知進不知退君子所

戒世祖知不可奪而許之超拜禮曹參判托以

脚病不入謝直出東門上賜祖席令朝臣餞送

遺事朴彭年貽書曰瞻望行塵卓乎難及成三問與

人書曰永州清風便作東方箕瀨吾輩乃曹丈之

罪人滄州祠記既至永川未嘗向西而坐見端宗

子規詞東望四拜奉和曰子規啼子規啼夜月空  
山何所訴不如歸不如歸望裏巴岑飛欲度看他  
衆身捨安巢獨向花枝血漫吐形單影孤貌憔悴  
不肯尊崇誰肯顧嗚呼人間冤恨豈獨爾義士忠  
臣激不平屈指難盡數 端宗昇遐謝絕賓客雖  
家人亦罕見其面每夜不寐獨坐悲泣嘗得頑石  
不琢不磨手題其面而刻之曰 魯山朝副提學  
逋人曹尚治之墓繼以小序曰書 魯山朝者明  
其非今日臣也不書階資者曷者其無濟君之罪也  
書副提學者為其不沒實也書逋人者言其亡命

逃逋之人也臨沒出所著詩文燒之

遺事

子變隆

世宗甲子登第丁卯重試尚治致仕託言親在嶺  
南同歸求川官至禮曹參議終不起臨沒遺戒子  
孫稱 魯山朝副知承文院事不書參議啣遺事今  
上辛亥賜諡忠貞

金佑生字文叔號陽山商人領中樞院事云寶子  
天姿嚴重風度秀朗以名節自勵崔瑩犯遼佑生  
年十七上書 太祖明其不可後從鄭夢周學通  
九經四書夢周沒每當息日必為位哭 太祖朝  
除順天府使 太宗時仲兄德生以非罪死棄官

歸羅州鄭萃朴彭年成三問俱為道義交甲戌拜  
承旨不就丙子六臣獄起賴鄭麟趾得免株連丁  
丑聞上王薨向寧越四拜仰藥死時年八十六  
權山海字德甫號竹林安東人官宗簿寺僉正權自  
慎姊婿也天姿剛毅操履堅確嘗侍從祖文景公  
軫讀史記伯夷傳歎曰有是人然後可扶萬古綱  
常軫笑而奇之 上王遜位常懷一死之心屢除  
職不就丙子成三問等被收山海仰天流涕曰此  
實天也遂從高閣自投死遺軀今 上巳酉因後  
孫宗洛訴寃復官辛亥贈吏曹參判旌其間軫孫

琛亦與元昊退居于原州楞湖隨錄

柳自濬文化人 文宗辛未登第官監察乙亥 世  
祖受禪即走八空門子集賢敎校理輕欲從之自  
濬不可強之仕每請覲曰臣父得心疾放浪山水  
間云墓表與柳誠源為袒免親成三問死竊其幼女  
擇乳姆養之及長以為子婦西山事蹟始寓首陽山神  
光寺晚移西山遺戒治喪勿用浮屠法且曰吾不  
能死於君母葬先人側墓道毋書汝曹推恩官職  
及卒諸子不敢違墓在楊州而失其處 肅宗辛  
酉後孫世鼎得片石於墓前書曰司憲府監察柳

自澹宛然可讀

墓表

具人文字章叔號睡翁綾城人賢佐子 世宗辛酉

登第官集賢殿校理 嘗與成三問議出處三

問曰吾欲從仕人文曰吾當自廢因忤旨出補寶

城投綬歸海美先墓下

具氏家乘

托青旨杜門不出

具氏

諡一日三問自洪州來訪聯床信宿夜闌三問寫

一句詩以示曰誓將心裏鐵鑄得手中椎人文沉

吟不答三問曰怖死耶人文曰觀天時人事事必

無成一死不足恤只速禍於吾君三問曰吾醉矣

及六巨事發人文歎曰求仁得仁亦何尤乎人文

既稱疾潛處而托往溫泉經月始歸家人揣知其

覲王及 端宗上賓八山痛哭更不出門

具氏家乘

奇處號青坡 幸州人天姿英發學業精粹 世宗

朝以布衣擢拜司憲府持平歷官至判中樞府事

自 魯山朝休官杜門謝絕人事手抄四書三經

左傳綱目 世祖在潛卽時三訪處於私第處托

以青旨 世祖一日持針擬刺以試之處瞪視不

目逃竟不能起卒諡貞武

沙月集

享長城秋山書院

宋侃礪山人良珎子乙亥受命巡撫湖南將還道聞

端宗內禪直向寧越奏事辭歸痛哭守者欲收之

一老吏謂曰君奈何欲作禍人事守者乃止因向  
礪山屏絕世事杜門自靖 端宗賓天八山痛哭  
服喪遂伴狂隱於興陽馬輪村者十餘年縱酒行  
哭山叟野老皆怪之家人不知所之遍求四方始  
得之仍自號西齋遺命葬于樂安郡之薇原行狀謹按

端宗乙亥禪位丁丑遜于  
寧越今云奏事寧越恐誤

李秀亨羽溪人文節公金淡女壻也官平市署令

端宗遜位時年二十一棄官歸榮川等一室名曰  
拱北只設北牖坐必向北蓋寧越在榮川北也終  
身不入京卒年九十四李公事蹟 享順興道溪書院

徐翰廷達城人均子

徐公事蹟樂善砥行為世所重榮川志

早中進士遊太學

端宗遜位即日南還携家隱

于小白山薇巖峯下自號遜庵杜門端坐遺棄世

事日以經學自娛遂終老焉今 上戊申贈司憲

府持平徐公事蹟

尹諱南原人

世宗甲子登第丙子官禮曹正郎毀

官歸鄉杜門不出墓表

李夢學閩南韓山人文靖公穉曾孫癸酉為黃海道

觀察使九月棄官歸高陽村野恬閒養性卅餘年

不復希進於世墓志

洪演字子源南陽人 世宗甲子文科官執義 端

宗遜位遜跡終身國朝

金漢啓義城人 世宗戊午登第官直提學 世祖

受禪謝病歸不復仕忠義傳

李堅基字匹休號楠亭星州人 世宗己亥登第官

戶曹判書 端宗時退歸乙亥後屢徵不起卒諡

安成國朝

安桑雞號田隱迺昌尉孟聃子官敦寧府都正 端

宗初退居楮山島湖

金係錦號六一金海人 端宗甲戌登第官兼持平

乙亥後不仕國朝

申末舟號歸來亭高靈人叔舟弟官大司諫 端宗

遜位退居淳昌湖

文天鳳官漢城府判尹佯狂不仕貶死咸山湖

閔審言驪興人官開城府雷守 世祖即位棄官乘

舟從後西江歸通津以刑曹參判徵不起年九十

餘終宋子

金自仁年十二 上王遜位自仁見權擊鄭麟趾之

議曾如火焰秋江

沈璿字潤夫號忘世亭青松人官觀察使丙子尚志

自靖漁樵終身碣

柳潤瑞寧人承文判校淮子能文章早中進士 端

宗遜位歸隱清州累徵不起 上遣使盡其居御

書楹洞處士四字以賜之三省堂行畧

孫汶字希閔號三省堂為人孝友正直 中宗乙亥

上疏請復六臣官爵廢其忠節從弟濬見疏草驚

泣止之曰獨不見秋江事耶汶不聽疏入命鞠之

對曰彝倫所在臣若不言是乃六臣之罪人 上

曰汝以布衣能直言如是杖流文川在謫八年而

歿三省堂行畧

李岸字野夫號賴波亭咸平人 端宗朝以學行薦

授參奉乙亥歸居咸平之箕山以持平再徵不就

遺戒以初職書墓遺墟碑

莊陵志類編附編

肅宗御製

魯山事有感四首

遜位冲齡日遙臨僻邑時適然丁否運君德曾無虧  
欲提棄化事噉咽淚難乾雷風十月動天意豈無端  
千秋無限冤萬古一孤魂寂寞荒山裏蒼蒼月繞蒼園  
高拱坐冥府儼然龔袞龍六臣忠貫日魂魄亦相從  
惟我 端宗大王 定順王后復位耐廟之禮  
實國家莫大之慶也嗚呼予於追復之事有志  
未就積有年所頃當特復六臣官爵遣官設祭



寧越之日追懷往事感愴倍切何幸申奎之疏  
一出而予志成予從此可無餘恨矣茲豈非惟  
天惟祖宗之陰隲也耶謹以一律用志其喜  
卿宜和進賜海昌都尉  
興言疇昔事感淚幾沾裳授受同堯舜聖神邁禹湯  
縟儀追舉日世廟德彌光獲遂平生願歡欣我獨  
長

敬慕莊思兩陵

陵名追上即莊思象設皆從厚敬儀命都監石  
物體制從  
厚陵數從敬陵蓋早晚身親瞻拜日微臣情禮少  
從儉省畧之意也

伸時

端宗大王定順王后私廟舊板削去旁題奉  
移時敏堂以待題主耐廟仍竊思惟端廟  
禪位于慶會樓下移御昌德宮一日光廟與  
端廟宴于廣延亭云昔日此亭密邇時敏堂  
今當移安悲歡交極謹題一絕畧摠下誠  
盛儀一悲一歡同臣庶  
端宗昔日御二百餘年觀

端宗大王定順王后題主之日親臨觀寫愴  
感而作是日早朝  
先上冊寶

易主尊名趨吉辰神人胥悅縟儀伸屏氣升階初八  
戶儼然如是愴彌臻

二聖神輦詣 桃廟日即事

良辰吉月向 桃廟鳳登龍旂瑞日照士女傾城羽

旄瞻街衢填咽老携少

耐求寧啟日有感先行廟謁之禮故第一句及之

先朝太廟合情文耐禮終成此夜分神龕正近顯陵

室仰想 聖靈同慰欣

耐廟還宮後仍御崇政啟受賀

法啟高臨集百僚八音爭奏雜仙韶丹墀齊獻南山

壽千歲聲長動九霄

望六臣廟有感

嗟我凜凜六臣忠可比皇明遜志公起敬千秋遐想  
劫空瞻遺廟恨無窮

莊陵內有六臣祠宇特命仍存感懷吟成

忠魂陪衛 寢園裏罔間幽明二百禩事符前代永

安宮一體君臣同祭祀

六臣復官綸音

夫有國之所先務者固莫大乎崇節獎義人臣之所  
最難者亦莫過乎仗節死義此古昔帝王之所以必

重節義之士而輒加廢錄者也念彼六臣豈不知天命人心之不可逆而乃心所事死而無悔是誠人所難能而其忠節凜凜於數百年之下可與皇明方孝孺景清輩同日語矣知適有事先陵輦過墓傷於予心尤有所感者噫為親者諱詎昧斯義而第予之所欲廢者不惟祗為其節義當世亂臣後世忠臣之教聖意有在則今日此舉實所以紹世祖之遺意光世祖之盛德也寧有未安之事乎成三問等六人其令該曹特為復官致祭以樹百代之風聲

祭文

莊陵攝行祭文 戊寅

粵我溫文宜饗太室爰章久缺神理有鬱今始追崇際  
祧廟病未將事替典虔告

祧廟祝

嗣王臣某謹再拜稽首上言竊以於昭溫文顯廟之  
穆有臨御尊著禪讓德丕號廟饗典常攸宜邁時不幸  
殷禮久虧神理墜鬱今二百祀列朝因循蓋重其事小  
子緬想興感于衷祗思善繼庭議詢同代雖及祧禮宜  
追遠爰舉祧儀金隆中壺位承禰室稍情合度崇奉如初  
增光聖祖惟仰陟降庶同慰悅躬請告成敬薦芬苾

英宗 賜祭彰節祠 御製文 戊寅

王者御世褒忠獎節盡心所事丹忠炳烈昔年追思官  
名先復瞻彼越中院宇斯屹不昧者心皎若此日忠  
魂義魄左右松柏豈意戊寅又逢是月予心感愴追  
慕采坊繼述 先志重修丁閣因以興懷惟卿忠赤  
爰命賜諡仍為贈職光曜一世名傳史冊勅于銓曹  
尋後甄錄特製其文禮官斟爵嗚呼此舉由予心曲  
靈若有知庶幾來格

賜祭贈祭判嚴興道文 戊寅

嗚呼世豈無忠臣烈士而豈有若丁丑忠烈乎嗚呼

其時豈無道臣亦豈無守令而以一戶長能樹大節  
嗚呼六臣雖由於盡心所事而然於寧越戶長有何  
所求有何所望而不顧諸族之挽止能辦于此此誠  
一段赤心而已求諸往牒誠為罕聞流傳百世可為  
義烈 缺缺 昔年初 贈郎署復贈下大夫今逢舊甲  
豈無褒嘉之典特贈亞卿仍為賜祭而又命銓曹錄  
用其後嗚呼乾道昭昭其無報忠之道乎不昧者靈  
感予此酌

思陵攝行祭文 辛巳

惟我 聖后三載坤極東郊松邱終享八耄吁嗟復

位粵在戊寅輿情僉同 聖慕彌新追思禮陟五回  
重光遙望象設感淚滂滂眇予小子叨承艱業否德  
無能臨深履薄繼述先志徃歲躬謁周旋升降攀撫  
松栢倏忽之間二十六年曠禮幾載恍若夢焉寅年  
重回攝祭 莊陵又逢今歲愴慕彌增咫尺 園寢  
其欲展禮有志莫伸拘於事勢爰命太常祭儀備設  
何循常例其文親綴躬傳香祝相臣替酌昭昭洋洋  
俯垂歆格

賜祭海平府院君一鄭君壽文 辛卯

嗚呼惟卿首陽盛族 顯陵外孫名登譜牒靖國鐵

券身兼勲戚福善流慶聯翩科甲暮年追慕燕尾遠  
閔今當豎碑臨此嗚咽礪良推恩其後莫覲特資卿  
孫予懷何抑吁嗟奉祀其待服闋本州設饌其文親  
綴靈豈其昧庶歆此酌

當寧御製

正廟

賜祭彰節祠文

戊申

端廟有臣曰維六忠生既竭力死又樹風焉高懷愴  
左右陟降錦湖雲水徃事傷心明月孤樓杜宇千林  
瞻言祠屋密邇喬寢行路咨嗟指彼綱常不昧英靈  
長近耿光景連危節千古同芳列祖相承旋慶優恤

名雷竹簡享遍芬苾矧茲越廟豈任頽缺爰賚爰飭  
以尊以繕宋楠重新籩豆有踐伴致河酌文則親撰

賜祭贈參判嚴興道旌閭文 戊申

國值詔運士效純節十室必有不在地闕曰爾興道  
越中小吏跡起刀筆世無簪履 端廟東巡遜于此  
地時丁不幸事有難言挺身奮忠賴有爾存背奉王  
匣手占珠丘浦忠山哀况覲月遊 聖朝起感爰旌  
爾門贈爾華秩復爾雲孫履顯無憾恩榮彌隆亮祠  
長鄰六臣與同道臣歸奏予懷增傷迺近侍 金侑  
河酌 內閣知製教  
金載璜製

莊陵告由祭文 辛亥

端廟真遊三百春秋紅女農夫語到流涕孰使之然  
彞性攸同太歲丁丑 王在在東東人稽首袞衣繡  
裳翩翩素駮去朝雲御曲終仙韶境畱靈雨歛碧咽  
白巫峽冷浦地是百粵山似九疑讓國巡野從古於  
斯鳥啼杜宇人拜漢陵 肅祖義起禮備千乘樹風  
獎節 先朝五紀如其未遑責在小子金櫃考備紋  
礎露真翠華如臨丹墀重新循寢尊壇誰其從與宗  
英文武士林僕御右之左之悅豫朕嚮為越清明宗  
伯替享

賜祭六臣墓文 辛亥

嗟嗟六臣言不忍詳身化碧瘞氣干赤陽翼我端  
廟左右雲御慕慕百粵清冷之傍東風蜀魄夜月蒼  
茫古誰與儔噉齋著黃謠符玄鳥心似蘋鮪如斗沸  
血撐控拄腸百死不辭只知倫綱命固有歸謀豈不  
臧猗直學士若微垣郎暨節制使靖獻先王先  
王曰咨胥克以匡輔予冲人若虞若唐或祕于般  
或縶于裳金鑿豹直玉涌未央殿殿夜飲有裘有觴  
僉拜曰都指天蒼蒼維臣等在敢不式敷死以繼之  
臣有寸鈇元年癸酉并武翱翔冠冕佩鳳池虎箱

大厥聲施雲風合章變出一瞬萬事蒼皇北辰移躔  
南巡遜荒嗚呼曷歸世界蒼桑誰畫麒麟拚此尋常  
有浪滔滔我手之防維衢戎戎我目之張烈火燎原  
肚鐵彌副志決取熊義甘蹈湯頰視隊行駭鹿動勦  
爾衣之錦爾食之梁先王玉音寧甫乃忘矯首望  
美豐嶂屬屬六人含笑七尺指長聖祖尚之華糜  
焯煌繁亦無奈遂就其芳携手駢命白日無光飛隼  
擊殿焔炎墜霜逃周二子殉秦三良歷千百載風烈  
愈彰睹彼江干載屹芥棠森森老栢閱劫猶彊曰古  
忠臣於是乎歲樵收躑躅行路徊徨列祖封植勿

夷勿傷逮于 肅祖大節其揚死而不死殺魄徜徉  
徜徉何之有 陵曰莊恨結蒼梧淚灑翠管風馬雲  
旂蜿蜒颺颺敷衽以傲于帝之閭壽我福我佑我東  
方蹕路夙戒于瞻之梁有嚴其祠萬代瞻昂我看既  
潔我酒斯香嗟嗟六臣其來一嘗

賜祭安平大君瑬文辛亥

翩翩公子必數勝歌三千珠履鷄狗之傑豈如吾宗  
龍衣禮蹈經純行鎮安至德二序邈矣高節公又愷悌  
英陵之子 文宗之弟 端廟叔父曷不煒煌好古  
如德樂善如蒼顏筋柳骨各達 皇明將翺將翔維

翰維城火烈崑崗王葉其焚台扉禍作湖亭血殷黃  
屋安否一身遑恤精靈上薄冷浦波咽牙琴絃絕謝  
局棋散零珠斷幅畱與後翫稚孫將錄美謚先錫起  
予曠感酌以洞酌

賜祭錦城大君瑜文 辛亥

讀魯陵志不涕非人死六坐六為臣盡臣奮于宗英  
錦城烈烈魯衛之親夷齊之節投荒賦鵬大嶺之南  
黃昏望美百粵嶢巖珊瑚長纓鹿盧鉅鏗誰我從者  
與之偕作太守嚮慕有甲藏膏灑血為書月晦星蒙  
禍迫速獄變起屬垣非昧歷數只知吾君整衣拜訣



不西而東始起於義竟死於忠鳥呼望帝草綠王孫  
鳴鳴竹溪長繞雲播來汝苗裔待以紳簪侑此一酌  
愧彼戴心

賜祭和義君瓔文

王室懿親恩渥汪濊滄桑百變富貴自在卿乃特立  
昭揭奕倫指天誓地取義成仁 魯山吾君錦城吾  
兄醉琴梅竹亦吾友生鳩毛禹鼎有時輕重蹈刃如  
砥賁育之勇擊手駢命棗蔓輝暎忠於所事死得其  
正歸拜雲鄉有臣曰瓔垂之青史萬代名曷以慰  
之錄後莫學范花起滅彼何爲者

賜祭漢南君瓔文 辛亥

維南有漢朝宗于越出自天潢名不負實處舜巡野  
屈平懷沙美人一隔地角天涯河山宛在鍾簷不移  
孤裘寶玦非之明時可耐寸赤長結故君魂隨去鴻  
目斷征雲阿兄阿弟視死如歸白餐城朝生亦支離  
咸陽片土畢命得所同志同傳謹甫之侶毋爵子諡  
譜列于瓔今者致酌蓋出述先

莊陵配食壇常用祝文 辛亥

若曰禮禋與享義取配庭餘三十人炳烺日星嫺遠  
葛祠就近茅屋相將顧歆每年寒食一體君臣上閣

下壇萬歲千秋長護王欄與祭酉丙子丁丑死事平  
安道觀察使趙遂良等一百九十八人從祀之神尚  
其饗之

莊陵志卷之上終

